



**REPUBLIKA E SHQIPËRISË**  
**KOMISIONI I PROKURIMIT PUBLIK**

Nr. 1851/ 5 prot.

Datë 10.11.2022

**V E N D I M**  
**Nr. 1093/2022**

Komisioni i Prokurimit Publik, i përbërë nga:

|                  |            |
|------------------|------------|
| Jonaid Myzyri    | Kryetar    |
| Fiorent Zguro    | Nënkryetar |
| Kreshnik Ternova | Anëtar     |
| Anila Malaj      | Anëtar     |

Në mbledhjen e datës 10.11.2022 shqyrtoi ankesën me:

**Objekt:**

Shfuqizimi i vendimit të Komisionit të Vlerësimit të Ofertave për skualifikimin e ofertës të paraqitur nga operatori ekonomik “*Alko Impex General Construction*” dshh në procedurën e prokurimit “*Procedurë e hapur, mbi kufirin e lartë monetar*”, me Nr. REF-35239-07-04-2022, me objekt: “*Shërbimi i Pastrimit dhe largimit të mbeturinave për Bashkinë Vorë*”, me fond limit 273.460.221 (dyqind e shatëdhjetë e tre milion e katërqindë gjashtëdhjetë mijë e dyqind e njëzet e një) lekë pa Tvsh ose 2.292.206 euro (dy milion e dyqind e nëntëdhjetë e dy mijë e dy qind e gjashtë) euro sipas kursit të këmbimit shpallur në Ëëbsite e Bankës së Shqipërisë 119.3, zhvilluar me datë 04.08.2022 nga autoriteti kontraktor, Bashkia Vorë.

Shfuqizimi i vendimit të Komisionit të Vlerësimit të Ofertave për skualifikimin e ofertës të paraqitur nga operatori ekonomik “*Rej*” SHPK në procedurën e prokurimit sipërcituar.

**Ankimues:**

Operatori ekonomik “*Alko Impex General Construction*”  
Adresa: Rruga “Asim Vokshi”, Pallati Alb Building & 2T,  
Tiranë.

Operatori ekonomik “*Rej*” SHPK  
Adresa: Zogu i Zi “Qatar Center”, Kati 2, Tiranë.

**Autoriteti Kontraktor:**

Bashkia Vore.

Adresa: Rruga "Unaza", Nr. 2 Vorë

**Baza Ligjore:**

Ligji nr. 162/2020 "Për Prokurimin Publik", Vendimi i Këshillit të Ministrave nr. 285, datë 19.05.2021 "Për miratimin e rregullave të prokurimit publik", Vendimi i Komisionit të Prokurimit Publik Nr. 766/2021, datë 13.10.2021 "Për miratimin e rregullave "Për Organizimin dhe Funksonimin e Komisionit të Prokurimit Publik", Neni 4, i Vendimit të Komisionit të Prokurimit Publik nr. 500/2020 datë 5.11.2020 "Rregullore për Marrjen e Masave Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19".

Komisioni i Prokurimit Publik, pasi dëgjoi relatorin e çështjes, shqyrtoi parashtrimet me shkrim e pretendimet e ankimuesit, dhe pasi diskutoi çështjen në tërësi,

**V e r e n:****I***Vlerësimi paraprak*

I.1. Vlëra limit e përlllogaritur për procedurën e prokurimit objekt-ankimi është mbi kufirin e lartë monetar, ndaj shqyrtimi dhe vendimmarrja do të bëhet nga të gjithë anëtarët, në përputhje me pikën 1, të nenit 30 të ligjit nr. 162/2020 "Për prokurimin publik" dhe Rregullat e Prokurimit Publik.

I.2. Operatorët ekonomikë kanë *prima facie* interes në këtë procedurë prokurimi dhe për këtë arsye legjitimohen për të paraqitur ankesë në lidhje me të. Gjithashtu, KPP konstatoi, se ankesat e operatorëve ekonomikë janë paraqitur për të njëjtën procedurë prokurimi, ndaj edhe ankimet e tyre duhet të bashkohen e të shqyrtohen në një gjykim të vetëm.

I.3. Operatorët ekonomikë ankimues kanë paraqitur ankesë pranë autoritetit kontraktor dhe njëherazi pranë Komisionit të Prokurimit Publik, në përputhje me kërkesat e përcaktuara në ligjin nr. 162/2020 "Për prokurimin publik".

I.4. Ankimuesit kanë respektuar afatet ligjore të paraqitjes së ankesës pranë autoritetit kontraktor dhe Komisionit të Prokurimit Publik.

**II***Rrethanat e çështjes*

II.1. Në datën 05.07.2022 është publikuar në Sistemin e Prokurimeve Elektronike procedura e prokurimit “*Procedurë e hapur, mbi kufirin e lartë monetar*”, me Nr. REF-35239-07-04-2022, me objekt: “*Shërbimi i Pastrimit dhe largimit të mbeturinave për Bashkinë Vorë*”, me fond limit 273.460.221 (dyqind e shatëdhjetë e tre milion e katërqindë gjashtëdhjetë mijë e dyqind e njëzet e një) lekë pa Tvsh ose 2.292.206 euro (dy milion e dyqind e nëntëdhjetë e dy mijë e dy qind e gjashtë) euro sipas kursit të këmbimit shpallur në Ëëbsite e Bankës së Shqiprisë 119.3, zhvilluar me datë 04.08.2022 nga autoriteti kontraktor, Bashkia Vorë.

II.2. Në datën 04.08.2022 autoriteti kontraktor ka zhvilluar procedurën e prokurimit objekt-shqyrtimi.

II.3 Në datën 16.08.2022 autoriteti kontraktor ka njoftuar operatorët ekonomikë pjesëmarrës me anë të sistemit të prokurimeve elektronike (S.P.E.), mbi rezultatet e vlerësimit të Komisionit të Vlerësimit të Ofertave, të cilët kanë paraqitur ofertat ekonomike (pa TVSH), përkatësisht:

|  |                     |              |
|--|---------------------|--------------|
| 1. BOE “Cogren” SHPK & “A.E.K&CO” SHPK         | 239,981,138 lekë    | skualifikuar |
| 2. “Rej” SHPK                                  | 240,582,685.20 lekë | skualifikuar |
| 3. “Alko-Impex General Construction” dshh      | 266,880,370,50 lekë | skualifikuar |
| 4. BOE “Kurora” SHPK & V.A.L.E Recycling” SHPK | 270,866,730 lekë    | kualifikuar  |
| 5. “ED Konstruksion” SHPK                      | 273,395,778.6 lekë  | skualifikuar |

II.3. Në datën 19.08.2022 është Publikuar Njoftim Fituesi i procedurës objekt-prokurimi në Sistemin e Prokurimit Elektronik.

II.4. Në datën 23.08.2022 pranë Komisionit të Prokurimit Publik, është protokolluar ankesa me nr. 1822 e operatorit ekonomik “*Alko Impex General Construction*” dshh për procedurën e prokurimit “*Procedurë e hapur, mbi kufirin e lartë monetar*”, me Nr. REF-35239-07-04-2022, me objekt: “*Shërbimi i Pastrimit dhe largimit të mbeturinave për Bashkinë Vorë*”, me fond limit 273.460.221 (dyqind e shatëdhjetë e tre milion e katërqindë gjashtëdhjetë mijë e dyqind e njëzet e një) lekë pa Tvsh ose 2.292.206 euro (dy milion e dyqind e nëntëdhjetë e dy mijë e dy qind e gjashtë) euro sipas kursit të këmbimit shpallur në Ëëbsite e Bankës së Shqiprisë 119.3, zhvilluar me datë 04.08.2022 nga autoriteti kontraktor, Bashkia Vorë, me anë të së cilës kundërshton vendimin e komisionit të vlerësimit të ofertave në lidhje me skualifikimin e ofertës së tij ekonomike nga kjo procedurë prokurimi.

II.5 Në përputhje me nenin 112 “*Veprimet paraprake*” të Ligjit nr.162/2020 “*Për Prokurimin Publik*”, Komisioni i Prokurimit Publik me marrjen e ankesës, e publikoi atë në bazën e të dhënave të tij, e cila përmban të dhëna për: a) ankimesin, adresën dhe NUIS-in; b) të dhëna të plota për procedurën e prokurimit (objekt, numër reference, fond limit, datën e zhvillimit të procedurës), si dhe me anë të formularit të publikimit nr. 1822/2 prot., datë 24.08.2022 janë publikuar arsyet e skualifikimit që operatori ekonomik ankimes “*Alko Impex General Construction*” dshh kundërshton me anë të ankesës me nr. 1822 protokoli, datë 23.08.2022.

II.6 Në përfundim të afatit brenda të cilit autoriteti kontraktor ka detyrimin ligjor të trajtimit të ankesës dhe daljes me një vendim përfundimtar në përputhje me nenin 114 të ligjit Nr.162/2020 “Për Prokurimin Publik”, Komisioni i Prokurimit Publik me anë të shkresës nr. 1822/4 prot., datë 06.09.2022, i ka kërkuar autoritetit kontraktor të dërgojë pranë Komisionit të Prokurimit Publik, informacion të hollësishëm mbi procedurën e mësipërme të prokurimit, ku të pasqyrohet procesi i shqyrtimit dhe vlerësimit të ofertave, të jepen argumentimet përkatëse mbi pretendimet e operatorit ekonomik ankimues, të jepet informacion i hollësishëm, lidhur me trajtimin e ankesës të operatorit ekonomik “Alko Impex General Construction” dshh.

II.7. Me shkresën nr. 4807/4 prot, datë 03.10.2022 protokolluar me tonën me nr. 1822/5 prot datë 07.10.2022, autoriteti kontraktor ka vënë në dijeni Komisionin e Prokurimit Publik, lidhur me trajtimin e ankesës me objekt “Shqyrtimi i ankesës me nr 4539 prot. datë 24.08.2022 në procedurën e prokurimit publik me objekt “Shërbimi i Pastrimit dhe largimit të mbeturinave për Bashkinë Vorë” me nr 4807/2 prot., datë 03.10.2022 të paraqitur nga operatori ekonomik “Alko Impex General Construction” dshh., për procedurën e mësipërme të prokurimit, ku rezulton, se autoriteti kontraktor ka vendosur mospranimin e saj.

II.8. Me shkresën Nr 1822/6 prot., datë 11.10.2022 me objekt “Mbi detyrimin e autoritetit kontraktor për dhenie informacioni KPP-së lidhur me ankesën e operatorit ekonomik “Alko Impex General Construction” dshh”, KPP iu drejtua autoritetit kontraktor, Bashkisë Vorë, duke i kërkuar informacion shtesë për shqyrtimin sa më të drejtë dhe objektiv të ankesës të operatorit ekonomik ankimues.

II.9. Me shkresën nr. 5920 prot, datë 14.10.2022 protokolluar me tonën me nr. 1822/7 prot datë 17.10.2022, autoriteti kontraktor ka vënë në dispozicion të Komisionit të Prokurimit Publik informacionin dhe dokumentacionin lidhur me procedurën e prokurimit objekt-shqyrtimi.

II.10. Në datën 25.08.2022 nëpërmjet Sistemit të Ankesave Elektronike pranë Komisionit të Prokurimit Publik, është administruar ankesa me nr. 1851/2022 protokollu dhe me numër ankimi elektronik A/2022/2488, datë 25.08.2022 e operatorit ekonomik “Rej” SHPK për procedurën e prokurimit “Procedurë e hapur, mbi kufirin e lartë monetar”, me Nr. REF-35239-07-04-2022, me objekt: “Shërbimi i Pastrimit dhe largimit të mbeturinave për Bashkinë Vorë”, me fond limit 273.460.221 (dyqind e shatëdhjetë e tre milion e katërqindë gjashtëdhjetë mijë e dyqind e njëzet e një) lekë pa Tvsh ose 2.292.206 euro (dy milion e dyqind e nëntëdhjetë e dy mijë e dy qind e gjashtë) euro sipas kursit të këmbimit shpallur në Ëëbsite e Bankës së Shqiprisë 119.3, zhvilluar me datë 04.08.2022 nga autoriteti kontraktor, Bashkia Vorë, me anë të së cilës kundërshton vendimin e komisionit të vlerësimit të ofertave në lidhje me skualifikimin e ofertës së tij ekonomike nga kjo procedurë prokurimi.

II.11. Në përputhje me nenin 112 “Veprimet paraprake” të Ligjit nr.162/2020 “Për Prokurimin Publik”, Komisioni i Prokurimit Publik me marrjen e ankesës, e publikoi atë në bazën e të dhënave të tij, e cila përmban të dhëna për: a) ankimuesin, adresën dhe NUIS-in; b) të dhëna të plota për procedurën e prokurimit (objekt, numër reference, fond limit, datën e zhvillimit të procedurës), si dhe me anë të formularit të publikimit nr. 1851/2 prot., datë 26.08.2022 janë

publikuar arsyet e skualifikimit që operatori ekonomik ankimues “Rej” SHPK kundërshton me anë të ankesës me nr. 1851 protokollit, datë 25.08.2022

II.12. Në përfundim të afatit brenda të cilit autoriteti kontraktor ka detyrimin ligjor të trajtimit të ankesës dhe daljes me një vendim përfundimtar në përputhje me nenin 114 të ligjit Nr.162/2020 “Për Prokurimin Publik”, Komisioni i Prokurimit Publik me anë të shkresës nr. 1851/3 prot., datë 06.09.2022, i ka kërkuar autoritetit kontraktor të dërgojë pranë Komisionit të Prokurimit Publik, informacion të hollësishëm mbi procedurën e mësipërme të prokurimit, ku të pasqyrohet procesi i shqyrtimit dhe vlerësimit të ofertave, të jepen argumentimet përkatëse mbi pretendimet e operatorit ekonomik ankimues, të jepet informacion i hollësishëm, lidhur me trajtimin e ankesës të operatorit ekonomik “Rej” SHPK.

II.13. Me shkresën nr. 5585/2 prot, datë 06.10.2022 protokolluar me tonën me nr. 1851/4 prot datë 10.10.2022, autoriteti kontraktor ka vënë në dijeni Komisionin e Prokurimit Publik, lidhur me trajtimin e ankesës me objekt “ *Shqyrtimi i ankesës ngarkuar në sistemin elektornik i KPP datë 25.08.2022 në procedurën e prokurimit publik me objekt “Shërbimi i Pastrimit dhe largimit të mbeturinave për Bashkinë Vorë”*”, për procedurën e mësipërme të prokurimit, ku rezulton, se autoriteti kontraktor ka vendosur mospranimin e saj.

II.14. Nga verifikimi i dokumentacionit të administruar në dosjen e shqyrtimit administrativ, si dhe bazuar në informacionin e Autoritetit Kontraktor, u konstatua se nuk ka pasur pretendime nga subjekte të interesuara, në përputhje me nenin 113 të ligjit Nr.162/2020 “Për Prokurimin Publik”.

### III

#### Komisioni i Prokurimit Publik

pas shqyrtimit të ankesës, dokumentacionit bashkëngjitur saj, si dhe informacionit të autoritetit kontraktor.

#### Arsyeton

III.1. Lidhur me pretendimet e operatorëve ekonomik ankimues “*Alko Impex General Construction*” dshh”, dhe “Rej” SHPK mbi kundërshtimin e skualifikimit të ofertës së tyre nga procedura prokurimit objekt-shqyrtimi me arsyet se: “ Operatori ekonomik *Alko Impex General Construction*” dshh *Mjeti Makinë teknologjike me paisje të vecantë për larjen e kontenierëve e deklaruar nga Operatori Ekonomik nuk është sipas specifikimeve të kërkuara në DST. Nga fotot e paraqitura në SPE ky mjet nuk ka paisjen e ngritjes dhe larjes së kazanëve, dhe operatori ekonomik “Rej” SHPK Operatori Ekonomik skualifikohet pasi nuk ka mundur të plotësoj pikën 2.3.10 sipas kritereve të vecanta në DST. Konkretisht: Operatori Ekonomik nuk ka paraqitur asnjë dokumentacion për disponimin e mjeteve si Leje qarkullimi etj”. Komisioni i Prokurimit Publik vëren se:*

III.1.1. Në shtojcën 9 “Formulari Përmbledhës i Vetëdeklarimit” në dokumentet standarde të tenderit të procedurës së prokurimit objekt-ankimi, autoriteti kontraktor ka përcaktuar si më poshtë vijon:

## Shtojca 9.

(Shtojcë për tu paraqitur nga operatori ekonomik)

### FORMULARI PËRMBLEDHËS I VETËDEKLARIMIT

I. Unë i nënshkruari \_\_\_\_\_ në cilësinë e \_\_\_\_\_ të operatorit ekonomik \_\_\_\_\_ deklaroj nën përgjegjësinë time të plotë që:

#### Pjesa I: Informacion në lidhje me Operatorin Ekonomik

| Identifikimi   | Përgjigjja |
|--|------------|
| Emri i operatorit ekonomik:<br>(Ju lutemi renditni të gjithë operatorët ekonomikë nëse jeni një BOE. Ju lutemi tregoni rolin e operatorit ekonomik në BOE) | -----      |
| Numri NIPT/et:   | -----      |
| Adresa postare:<br>Qyteti / qyteti; Kodi postar  | -----      |
| Përfaqësuesi (emri):   | -----      |
| Telefoni:  | -----      |
| E-mail:  | -----      |

#### B: DEKLARATË

**Për nënkontraktorët dhe subjektet në kapacitetet, e të cilave do të mbështetet Operatori Ekonomik (nëse është e zbatueshme)**

Në cilësinë e operatorit ekonomik, deklaroj nën përgjegjësinë time të plotë se:

- **Informacione për nënkontraktorin**

| <b>Emri i nënkontraktorit të propozuar</b> | <b>NIPT –i</b> | <b>Përqindja e nënkontraktimit</b> | <b>Shërbimet /Mallrat e lidhura me to për t’u nënkontraktuar</b> |
|--|----------------|------------------------------------|--|
|  |                |                                    |  |
|  |                |                                    |  |
|  |                |                                    |  |

- **Informacion mbi subjektet mbi kapacitetin, e të cilëve do të mbështetet operatori ekonomik**

| <b>Emri (at) e subjekteve</b> | <b>NIPT-i</b> | <b>Lloji i kapacitetit për të cilin do të mbështetet operatori ekonomik</b> | <b>Specifiko konkretisht kapacitetin/et</b> |
|-------------------------------|---------------|---|---|
|                               |               |   |   |
|                               |               |   |   |
|                               |               |   |   |

Deklaroj se, për subjektin / subjektet në kapacitetin/et, e të cilit/ëve do të mbështetem, nuk ka arsye për skualifikimin ose përjashtimin e tij / tyre nga procedura, në përputhje me dispozitat e nenit 76 të LPP-së, dhe konfirmoj me dokumente provuese që do të ketë burimet e kërkuara siç janë deklaruar.

## **Pjesa II: Shkaqet e përjashtimit**

### **A: DEKLARATA PËR PËRMBUSHJEN E KRITEREVE TË PËRGJITHSHME TË KUALIFIKIMIT**

| <b>Deklarata</b> | <b>Referencat (kur janë të zbatueshme)</b> |
|------------------|--|
|                  |  |

|   |  |
|---|--|
| <p>Operatori ekonomik është i regjistruar në regjistrin tregtar sipas legjislacionit të vendit ku ushtron aktivitetin, ose sipas legjislacionit të posaçëm në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv.</p>   | <p>Nëse dokumentacioni përkatës është i disponueshëm në formë elektronike, ju lutemi tregoni:</p> <p>Adresën e ueb-it: [shkruajeni]</p> <p>Autoritetin ose organin lëshues: [shkruajeni]</p> <p>Lloji i dokumentit: [shkruajeni]</p> |
| <p>Operatori ekonomik nuk është dënuar për ndonjë nga veprat penale të parashikuara në nenin 76/1 të LPP-së ose ka qenë i dënuar dhe ka kaluar një periudhë 5-vjeçare nga data e ekzekutimit të dënimit, nëse nuk është përcaktuar një periudhë tjetër nga gjykata, sipas parashikimeve të nenit 76 të LPP-së.</p>  | <p>Nëse dokumentacioni përkatës është i disponueshëm në formë elektronike, ju lutemi tregoni:</p> <p>Adresën e ueb-it: [shkruajeni]</p> <p>Autoritetin ose organin lëshues: [shkruajeni]</p> <p>Lloji i dokumentit: [shkruajeni]</p> |
| <p>Personi / personat në cilësinë e anëtarit të organit administrativ, drejtorit ose mbikëqyrësit, si aksionar ose si ortak, ka ose fuqi përfaqësuese, vendimmarrëse ose kontrolluese brenda operatorit ekonomik, si më poshtë:</p> <hr/> <hr/> <p>etj.</p> <p>nuk janë të dënuar me vendim gjyqësor të formës së prerë për ndonjë nga veprat penale të përcaktuara në nenin 76/1 të LPP-së ose kanë qenë i dënuar dhe ka kaluar një periudhë 5-vjeçare nga data e ekzekutimit të dënimit, nëse nuk është përcaktuar një periudhë tjetër nga gjykata, sipas parashikimeve të nenit 76 të LPP-së, etj.</p> | <p>Nëse dokumentacioni përkatës është i disponueshëm në formë elektronike, ju lutemi tregoni:</p> <p>Adresën e ueb-it: [shkruajeni]</p> <p>Autoritetin ose organin lëshues: [shkruajeni]</p> <p>Lloji i dokumentit: [shkruajeni]</p> |



|  |   |
|--|---|
| <p>Operatori ekonomik nuk është dënuar me vendim gjyqësor të formës së prerë për vepra që lidhen me veprimtarinë profesionale.</p>   | <p>Nëse dokumentacioni përkatës është i disponueshëm në formë elektronike, ju lutemi tregoni:<br/>Adresën e ueb-it: [shkruajeni]<br/>Autoritetin ose organin lëshues: [shkruajeni]<br/>Lloji i dokumentit: [shkruajeni]</p> |
| <p>Operatori ekonomik nuk është në proces falimentimi (statusi aktiv).</p>   | <p>Nëse dokumentacioni përkatës është i disponueshëm në formë elektronike, ju lutemi tregoni:<br/>Adresën e ueb-it: [shkruajeni]<br/>Autoritetin ose organin lëshues: [shkruajeni]<br/>Lloji i dokumentit: [shkruajeni]</p> |
| <p>Operatori Ekonomik ka paguar të gjitha detyrimet për taksat dhe kontributet e sigurimeve shoqërore, sipas legjislacionit në fuqi, ose ndodhet në një nga rastet e parashikuara në nenin 76/2 të LPP-së</p>  | <p>Nëse dokumentacioni përkatës është i disponueshëm në formë elektronike, ju lutemi tregoni:<br/>Adresën e ueb-it: [shkruajeni]<br/>Autoritetin ose organin lëshues: [shkruajeni]<br/>Lloji i dokumentit: [shkruajeni]</p> |
| <p>Operatori ekonomik ka paguar të gjitha detyrimet e energjisë elektrike, për të gjitha adresat e ushtrimit të aktivitetit, sipas legjislacionit përkatës në fuqi.<br/><br/>Ky informacion kërkohet për operatorët ekonomikë, të cilët operojnë në territorin e Republikës së Shqipërisë.</p> | <p>Nëse dokumentacioni përkatës është i disponueshëm në formë elektronike, ju lutemi tregoni:<br/>Adresën e ueb-it: [shkruajeni]<br/>Autoritetin ose organin lëshues: [shkruajeni]<br/>Lloji i dokumentit: [shkruajeni]</p> |
| <p>Operatori ekonomik ushtron aktivitetin e tij në zbatimin e kërkesave ligjore në fuqi, përfshirë legjislacionin mjedisor, social dhe të punës.</p>   | <p>Nëse dokumentacioni përkatës është i disponueshëm në formë elektronike, ju lutemi tregoni:<br/>Adresën e ueb-it: [shkruajeni]<br/>Autoritetin ose organin lëshues: [shkruajeni]<br/>Lloji i dokumentit: [shkruajeni]</p> |

|   |  |
|---|--|
| <p>Operatori ekonomik nuk është në listën e operatorëve ekonomikë të ndaluar për të fituar kontrata publike në përputhje me nenin 78 të LPP-së.</p> <p>Operatori ekonomik nuk ka në cilësinë e anëtarit të organit të administrimit, drejtues ose mbikëqyrës i atij, aksionar ose ortak, ose me kompetenca përfaqësuese, vendimmarrjeje ose kontrolluese brenda tij persona të cilët janë /kanë qenë në këtë cilësi në një operator ekonomik të përjashtuar nga e drejta për të përfituar fonde publike, me vendim të Agjencisë së Prokurimit Publik, gjatë kohës që ky vendim është në fuqi.</p> | <p>Nëse dokumentacioni përkatës është i disponueshëm në formë elektronike, ju lutemi tregoni:</p> <p>Adresën e ueb-it: [shkruajeni]</p> <p>Autoritetin ose organin lëshues: [shkruajeni]</p> <p>Lloji i dokumentit: [shkruajeni]</p> |
|---|--|

## B: DEKLARATA

### Për Dorëzimin e Ofertave të Pavarura

| Deklarata  | Përgjigje                                     |
|--|---|
| <p>Në cilësinë e operatorit ekonomik, bëj këtë deklaratë në përputhje me nenin 1 të Ligjit Nr. 162/2020, datë 23.12.2020 "Për Prokurimin Publik", dhe në zbatim të Ligjit Nr. 9121/2003 "Për Mbrojtjen e Konkurrencës", dhe garantoj që deklaratat e mëposhtme janë të vërteta dhe të plota në çdo aspekt:</p> | <p>_____</p>                                  |
| <p>1. Kam lexuar dhe kuptuar përmbajtjen e kësaj deklarate;</p>  | <p><b>Po</b> [ <input type="checkbox"/> ]</p> |
| <p>2. Kuptoj që oferta e paraqitur do të skualifikohet dhe / ose përjashtohet nga pjesëmarrja në prokurimin publik nëse kjo Deklaratë konstatohet se nuk është e plotë dhe / ose e pasaktë në të gjitha aspektet;</p>  | <p><b>Po</b> [ <input type="checkbox"/> ]</p> |

|   |                             |
|---|-----------------------------|
| <p>3. Jam i autorizuar nga Ofertuesi për të nënshkruar këtë Deklaratë dhe për të paraqitur një Ofertë në emër të Ofertuesit;</p>  | <p><b>Po [ ]</b></p>        |
| <p>4. Çdo person, nënshkrimi i të cilit paraqitet në dokumentacionin e ofertës është i autorizuar nga ofertuesi për të përgatitur dhe për të nënshkruar ofertën në emër të ofertuesit;</p>  | <p><b>Po [ ]</b></p>        |
| <p>5. Për efekt të kësaj deklaratë dhe ofertës së paraqitur, unë e kuptoj se fjala "konkurrent" nënkupton çdo operator tjetër ekonomik, përveç Ofertuesit, pavarësisht nëse paraqitet si një bashkim i operatorëve ekonomikë ose jo, që:</p> <p>a) paraqet një ofertë në përgjigje të Njoftimit të Kontratës të bërë nga Autoriteti/Enti Kontraktor;</p> <p>b) është ofertues i mundshëm i cili, bazuar në kualifikimet, aftësitë ose përvojat e tij, mund të paraqesë një Ofertë në përgjigje të Njoftimit të Kontratës.</p> | <p><b>Po [ ]</b></p>        |
| <p>6. Ofertuesi deklaron se e ka përgatitur ofertën e tij në mënyrë të pavarur, pa u konsultuar, komunikuar dhe pa pasur ndonjë marrëveshje ose dakord me ndonjë konkurrent tjetër;</p>   | <p><b>Po [ ] Jo [ ]</b></p> |
| <p>7. Ofertuesi deklaron se është konsultuar, ka komunikuar, ka lidhur marrëveshje me një ose më shumë konkurrentë në lidhje me këtë procedurë prokurimi. Ofertuesi deklaron se në dokumentet e bashkangjitura, detajet e kësaj oferte përfshijnë emrat e konkurrentëve, natyrën dhe arsyet e konsultimit,</p>  | <p><b>Po [ ] Jo [ ]</b></p> |

|   |                             |
|---|-----------------------------|
| <p>komunikimit, marrëveshjes ose angazhimit (në rast të një bashkimi të operatorëve ekonomikë ose nënkontraktimit).</p>   |                             |
| <p>8. Në veçanti, pa cenuar pikat 6 dhe 7 më lart, nuk ka pasur asnjë konsultim, komunikim, kontratë ose marrëveshje me ndonjë konkurrent në lidhje me :</p> <p>a) çmimet;</p> <p>b) metodat, faktorët ose formulat e përdorura për llogaritjen e çmimit;</p> <p>c) qëllimin ose vendimin për të paraqitur një ofertë ose jo; ose</p> <p>d) paraqitjen e një oferte që nuk plotëson specifikimet e kërkesës së ofertës.</p> | <p><b>Po [ ] Jo [ ]</b></p> |
| <p>9. Për më tepër, nuk ka pasur asnjë konsultim, komunikim, marrëveshje ose kontratë me ndonjë konkurrent në lidhje me cilësinë, sasinë, specifikimet ose dërgesat specifike të mallrave ose shërbimeve në lidhje me prokurimin përkatës, përveç kur thuhet në pikën 7 më lart.</p>  | <p><b>Po [ ] Jo [ ]</b></p> |
| <p>10. Kushtet e ofertës nuk u janë bërë të ditura ose treguar ofertuesve të tjerë në asnjë mënyrë, qoftë para datës dhe orës së hapjes zyrtare të ofertave, shpalljes së ofertës fituese dhe nënshkrimit të kontratës, përveç nëse kërkohet nga ligji ose nëse thuhet specifikisht nën pikën 7 më lart.</p>  | <p><b>Po [ ] Jo [ ]</b></p> |
|   |                             |

## C: DEKLARATA

### Mbi Konfliktin e Interesit

| Deklarata   |
|---|
| <p>Në cilësinë e operatorit ekonomik, ne deklarojmë se jemi të vetëdijshëm për sa vijon:</p> <p>Konflikti i interesit është një situatë e konfliktit midis detyrës publike dhe interesit privat të një zyrtari, në të cilën ai / ajo ka interesa private direkte ose indirekte që ndikojnë, ose që mund të ndikojë ose që duket se ndikojnë në kryerjen e padrejtë të detyrave dhe detyrimeve publike.</p>  |
| <p>Në përputhje me nenin 21, paragrafi 1, Ligji Nr. 9367, datë 07.04.2005, kategoritë e zyrtarëve siç parashikohen në Kapitullin III, Seksioni II, që janë absolutisht të ndaluara të përfitojnë drejtpërdrejt ose indirekt nga nënshkrimi i kontratave midis një pale dhe institucionit publik janë:</p> <ul style="list-style-type: none"><li>- Presidenti i Republikës, Kryeministri, Zëvendës Kryeministri, Ministrat, ose Zëvendësministrat, Deputetët, Gjyqtarët e Gjykatës Kushtetuese, Gjyqtarët e Gjykatës së Lartë, Kreu i Kontrollit të Lartë të Shtetit, Prokurori i Përgjithshëm, Gjyqtarët dhe Prokurorët në nivelin e Gjykatës së Shkallës së Parë dhe Gjykatës së Apelit, Avokati i Popullit, Anëtarët e Komisionit Qendror të Zgjedhjeve, Anëtarët e Këshillit të Lartë të Drejtësisë, Inspektori i Përgjithshëm i Inspektoratit të Lartë të Deklarimit dhe Kontrollit të Pasurive dhe Konfliktit të Interesit, Anëtarët e Enteve Rregullatore (Këshilli Mbikëqyrës i Bankës së Shqipërisë, përfshirë Guvernatorin dhe Zëvendësguvernatorin; konkurrenca; telekomunikacioni; energjia elektrike; furnizimi me ujë; sigurimi; bonot; autoritetet e medias), sekretarët e përgjithshëm të institucioneve qendrore si dhe çdo zyrtar publik në çdo institucion publik pozicioni i të cilit është i barabartë me atë të Drejtorit i Përgjithshëm, drejtuesit e organeve të administratës publike që nuk janë pjesë e shërbimit civil.</li></ul> <p>Për nëpunësit civilë të nivelit të mesëm, sipas nenit 31 dhe zyrtarët sipas nenit 32 të kreut III, seksionit 2 të këtij ligji, ndalimi në paragrafin 1 të këtij neni, për shkak të interesave private të zyrtarit, siç përcaktohet këtu të zbatohet vetëm në rast të lidhjes së kontratave brenda fushës dhe territorit të institucionit dhe juridiksionit të institucionit, ku punon zyrtari. Ky ndalim do të zbatohet edhe kur pala në kontratë është një institucion varësie.</p> <p>Kur zyrtari është kryetar bashkie ose nënkryetar i një bashkie ose komune, ose kryetar i një këshilli rajonal, anëtar i këshillit përkatës, ose një zyrtar i lartë i menaxhimit të një njësie të qeverisjes vendore, ndalimi për shkak të interesave private të zyrtarit, specifikuar këtu, do të zbatohet vetëm në rastin e lidhjes së kontratave, nëse ka, me bashkinë, komunën ose rajonin ku zyrtari ushtron një detyrë të tillë. Ky ndalim do të zbatohet gjithashtu kur pala në kontratë është një institucion publik në varësi të kësaj njësie (neni 21, paragrafi 2, Ligji Nr. 9367, datë 07.04.2005.</p> <p>Ndalimet e parashikuara në nenin 21, paragrafët 1, 2 të Ligjit Nr. 9367, datë 07.04.2005, me përjashtimet përkatëse, do të zbatohen në të njëjtën masë edhe për personat e lidhur me zyrtarin, d.m.th. <b>bashkëshortin, bashkëjetuesin, fëmijët madhorë e prindërit e zyrtarit dhe të</b></p> |

**bashkëshortit dhe bashkëjetuesit.**

Unë jam në dijeni të kërkesave dhe ndalimeve të parashikuara në Ligjin Nr. 9367, datë 07.04.2005 "Për Parandalimin e Konfliktit të Interesit në Ushtrimin e Funksioneve Publike", të ndryshuar, dhe aktet nënligjore të miratuara në bazë të tij nga Inspektorati i Lartë i Deklarimi dhe Kontrolli i Pasurive, si dhe Ligji Nr. 162/2020, datë 23.12.2022 "Për Prokurimin Publik".

Në përputhje me to, unë deklaroj këtu se asnjë zyrtar publik, siç përcaktohet në Kapitullin III, Seksioni II të Ligjit Nr. 9367, datë 07.04.2005, dhe në këtë deklaratë, nuk ka ndonjë interes privat, direkt ose indirekt, me personin juridik që unë përfaqësoj këtu.

**D: DEKLARATA****Për zbatimin e dispozitave ligjore në marrëdhëniet e punës**

| <b>Deklarata</b>   | <b>Përgjigje</b> |
|--|------------------|
| Në cilësinë e operatorit ekonomik, deklaroj nën përgjegjësinë time të vetme se:  |                  |
| 1. Operatori ekonomik garanton mbrojtjen e së drejtës për punësim dhe profesion nga çdo formë e diskriminimit parashikuar nga legjislacioni i punës në fuqi.   | Po [ ] Jo [ ]    |
| 2. Operatori ekonomik ka kontratat përkatëse të punës me punonjësit e tij dhe garanton masa sigurie dhe shëndetësore për të gjithë dhe, në veçanti, për grupet në nevojë, bazuar në legjislacionin e punës në fuqi.  | Po [ ] Jo [ ]    |
| 3. Operatori ekonomik nuk ka ndonjë masë efektive ligjore të vendosur nga Inspektorati Shtetëror i Punës dhe Shërbimeve Sociale (ISHPSHS). Në rastet kur janë identifikuar shkelje ligjore, operatori ekonomik ka marrë masat e nevojshme për adresimin e tyre brenda afateve të përcaktuara nga | Po [ ] Jo [ ]    |

|           |  |
|-----------|--|
| ISHPSHSH. |  |
|           |  |

### Pjesa III Kriteret e Përzgjedhjes/Kualifikimit

#### A: DEKLARATË

Në përputhje me specifikimet teknike dhe grafikun e realizimit të objektit të kontratës:

| Deklarata   | Përgjigje     |
|---|---------------|
| Në cilësinë e operatorit ekonomik, ne deklarojmë se plotësojnë të gjitha specifikimet teknike dhe termat e referencës, siç udhëzohet në dokumentet e tenderit, dhe këtë e provojmë përmes certifikatave dhe dokumenteve të paraqitura me këtë deklaratë (nëse kërkohet nga Autoriteti/Enti Kontraktor), dhe marrim përsipër të realizojmë objektin në përputhje me Listën e shërbimeve dhe grafikun e ekzekutimit të përcaktuar nga Autoriteti/Enti kontraktor. | Po [ ] Jo [ ] |
|   |               |

#### B: DEKLARATË

Për disponimin e punonjësve dhe makinerive të nevojshme (nëse kërkohen)

| Deklarata  | Përgjigje   |
|--|---|
| Në cilësinë e operatorit ekonomik, deklaroj nën përgjegjësinë time të vetme se:<br><br>Unë kam punonjësit e nevojshëm si dhe mjetet dhe makineritë për ekzekutimin e kontratës, siç përcaktohet në dokumentet e tenderit, dhe e vërtetoj këtë me dokumentacionin përkatës, të cilin do ta paraqes në kopje origjinale ose të noterizuar nëse fitoj, ose nëse më kërkohen sqarime nga autoriteti/enti kontraktor. | <u>Punonjës</u><br>Po [ ] Jo [ ]<br>Nëse, po, numri i punonjësve:<br><hr/><br>Profili i punonjësve<br><hr/><br><u>Makineri e mjete</u><br>Po [ ] Jo [ ] |

|  |   |
|--|---|
|  | Nëse po, të listohen me të dhënat konkrete: |
| <p>Data e dorëzimit të deklaratës _____ Vula _____</p> <p>Emri, Mbiemri, Firma _____</p> |   |

**Ju lutemi sigurohuni që:**

- Secili pjesëmarrës i renditur në një bashkim operatorësh ekonomikë të paraqesë një **Formular të veçantë të Vetëdeklarimit.**
- Në rast se operatori ekonomik ofertues do të mbështetet në kapacitetet e subjekteve të tjera, **një Formular i veçantë i Vetëdeklarimit** duhet të paraqitet edhe nga subjekti mbështetës.

**Në çdo rast, autoriteti/enti kontraktor ka të drejtë të kryejë verifikimet e nevojshme për vërtetësinë të informacionit të deklaruar nga operatori ekonomik për sa më sipër.**

*Shënim: Në çdo rast, përpara se të japë kontratën, autoriteti/enti kontraktor duhet t'i kërkojë ofertuesit fitues që të dorëzojë dokumentet provuese për vetëdeklarimet në formularin përmbledhës të vetëdeklarimit, si dhe dokumentet e paraqitura si pjesë e ofertës në rrugë elektronike. Këto dokumente duhet të paraqiten në origjinal ose në kopje të njësuara me origjinalin.*

III.1.2. Në shtojcën 8/2 “Kriteret e veçanta të kualifikimit” pika 2.3.10 “Kapaciteti teknik” të dokumenteve të procedurës së prokurimit objekt-ankimi përcaktohet kriteri si më poshtë:

**2.3.10. Operatori ekonomik pjesëmarrës, për realizimin e kontratës, duhet të paraqesë një deklaratë me shkrim mbi disponueshmërinë e mjeteve, ku të përcaktohet tipi(emertimi teknik), lloji, marka, nr. i shasise, viti i prodhimit dhe sasi të përkatëse për mjetet si me mëposhte:**

- a) *Makinë teknologjike transportuese, me ngarkim fundor ose anësor, me kapacitet mbajtës jo më pak se 10 ton, jo më pak se 3 (tre) copë.*
- b) *Makinë teknologjike transportuese, me ngarkim fundor ose anësor, me kapacitet mbajtës 3 deri 4 ton jo më pak se 1 (nje) copë;*
- c) *Makinë teknologjike transportuese, me ngarkim fundor ose anësor, me kapacitet mbajtës 0.5 deri 1.5 ton jo më pak se 1 (nje) copë;*



- d) *Makine transportuese kamioncine per transportin e mbetjeve te vellimshme me kapacitet mbajtes 2 der 4 ton veteshkarkuese jo me pak se 1 (një) copë;*
- e) *Makine teknologjike me paisje te vecante per larjen e konteniereve 1 (nje) copë:*
- f) *Makina për larjen e rrugëve, (autobot) të pajisura me pompë për larjen e rrugëve me presion, me dy ose më shumë pjata larëse në pjesën e përparme, me kapacitet mbajtes 7 deri ne 8 ton, jo më pak se 1 (një) copë;*

*Për Mjetet teknologjike të kërkuara në pikën 2.3.10, gërma a – f, operatori ekonomik duhet të paraqesë dokumentacionin si më poshtë:*

- *Për mjetet e deklaruar në pronësi qe shënohen në regjistra publike duhet të paraqitet dokumenti që verteton regjistrimin e mjetit (akti i pronësisë), leje qarkullimi, çertifikate e kontrollit teknik, siguracion mjeti.*
- *Per mjetet e deklaruar me qera qe shënohen në regjistra publike duhet të shoqërohen me kontratën përkatëse noteriale te qirasë, dokumentin që verteton regjistrimin e mjetit (akti i pronësisë), leje qarkullimi, çertifikate e kontrollit teknik, siguracion mjeti.*
- *Kontrata e qerasë duhet të jetë e vlefshme për të gjithë periudhën e realizimit të kontratës, objekt i këtij prokurimi*
- *Për mjetet që nuk shënohen në regjistra publikë, të cilat deklarohen në pronësi, operatori ekonomik, duhet të paraqese kontraten e shitblerjes/fatura tatimore e shitjes si dhe dokumenti me të dhënat teknike të pajisjes ndërsa kur janë të marra me qera duhet të paraqitet kontrata e qerasë, fatura tatimore e shitjes/ kontrata e shitblerjes si dhe dokumenti me të dhënat teknike të pajisjes.*
- *Operatori ekonomik duhet të paraqesë foto për secilin mjet të deklaruar në pronësi ose me qira ku të jetë e dukshme dhe targa e mjetit.*
- *Për mjetet në pronësi/qera, Operatori ekonomik duhet të paraqesë një deklaratë ku Autoriteti Kontraktor ka te drejten me ose pa paralajmerim paraprak, perpara shpalljes se fituesit, të kryejë verifikimin fizik të mjeteve sipas Specifikimeve Teknike të deklaruar në procedurën e prokurimit, si dhe te deklarojë adresen e sakte te vendndodhjes se mjeteve në Shqipëri, me qellim verifikimin e tyre. Në rast se mjetet e deklaruar nga Operatorit ekonomik nuk rezultojne te njejta me ato qe do te kontrolloje AK, Operatori Ekonomik do të s'kualifikohet.*

III.1.3. Nga verifikimet në sistemin e prokurimeve elektronike rezulton, se operatori ekonomik “Alko Impex General Construction” Dhh, në përmbushje të kriterit sa më sipër, ka dorëzuar:

- Formularin përmbledhës të vetëdeklarimit (shtojca 9) nga operatori ekonomik “Alko Impex General Construction” Dhh, ku në Deklaratën B për disponimin e punonjësve dhe makinerive të nevojshme është plotësuar si vijon: “Makineri e mjete PO.
- 1. *Makine transportuese me kapacitet mbajtes jo me pak se 10 ton – 3 cope; AA 786 YT; AA XXX YT; AB XXX GX, Kontratë Qeraje Nr. Rep XXXX, Nr. Kol XXXX.*

2. *Makine teknologjike transportuese me kapacitet mbajtes 3 deri ne 4 ton- 1 copë; AB XXX HH në pronësi.*
  3. *Makine teknologjike transportuese me kapacitet mbajtes 0.5 deri ne 1.5 ton -1 copë; AA XXX GC; AA 874 XI; Kontratë Qeraje Nr. Rep 4556, Nr. Kol 2083.*
  4. *Makine tranposrtuese kamioncine me papacitet mbajtes 2 deri ne 4 ton -1 cope; AB XXX EH në pronësi.*
  5. *Makine teknologjike per larjen e kontenierve-1 cope; AB XXX DZ; Kontratë Qeraje Nr. Rep XXX, Nr. Kol XXXX.*
  6. *Makine per larjen e rrugve (autobot) me kapacitet 7-8 ton- 1 cope; AB XXX HH. Kontratë Qeraje Nr. Rep XXXX, Nr. Kol XXXX.*
- *Dokumentacionin për mjetet e sipërcituara sipas përcaktimeve në kriterin 2.3.10.*

III.1.4. Nga verifikimet në sistemin e prokurimeve elektronike rezulton, se operatori ekonomik “Rej” SHPK, në përmbushje të kriterit sa më sipër, ka dorëzuar:

- Formularin përmbledhës të vetëdeklarimit (shtojca 9) nga operatori ekonomik “Rej” SHPK, ku në Deklaratën B për disponimin e punonjësve dhe makinerive të nevojshme është plotësuar si vijon: “Makineri e mjete PO.
1. *Makinë teknologjike transportuese, me ngarkim fundor ose anësor, me kapacitet mbajtës jo me pak se 10 ton, Lloji - APV - Marka-Scania - Nr. Shasise -XXXXXXXXXXXXX - Viti i Prodhimit 2009 - Sipas pikes 2.3.10 nenpika a te DST.*
  2. *Makinë teknologjike transportuese, me ngarkim fundor ose anësor, me kapacitet mbajtës jo me pak se 10 ton, Lloji - APV - Marka - Scania - Nr. Shasise - XXXXXXXXXXXXX - Viti i Prodhimit 2009 - Sipas pikes 2.3.10 nenpika a te DST.*
  3. *Makinë teknologjike transportuese, me ngarkim fundor ose anësor, me kapacitet mbajtës jo me pak se 10 ton, Lloji - APV - Marka - Scania - Nr. Shasise - XXXXXXXXXXXXX - Viti i prodhimit 2000 - Sipas pikes 2.3.10nenpika a te DST.*
  4. *Makinë teknologjike transportuese, me ngarkim fundor ose anësor, me kapacitet mbajtës 3 deri 4 ton Lloji - ATV - Marka - MAN - Nr. Shsise - XXXXXXXXXXXXX - Viti i prodhimit 1987 - Sipas pikes 2.3.1 nenpika b te DST.*
  5. *Makinë teknologjike transportuese, me ngarkim fundor ose anësor, me kapacitet mbajtës 0.5 deri 1.5 ton Lloji - APV - Marka - Sokon Steck - Nr. shasise - XXXXXXXXXXXXX - Viti i Prodhimit 2012 - Sipas pikes 2.3.10 nenpika c te DST.*
  6. *Makine transportuese kamioncine per transportine mbetjeve te vellimshme me kapacitet mbajtes 2 deri 4 ton veteshkarkuese Lloji - Kamion - Marka - Daimler Chrysler - Nr. Shasie - XXXXXXXXXXXXX - Viti i Prodhimit 2000 - Sipas pikes 2.3.1 nenpika d te DST.*

7. *Makine teknologjike me paisje te vecante per larjen e konteniereve Lloji - APV - Marka - Renault - Nr. Shasise - XXXXXXXXXXXXX - Viti i prodhimit 1997 - Sipas pikes 2.3.10 nenpika e te DST.*
8. *Makine teknologjike me paisje te vecante per larjen e konteniereve Lloji - APV - Marka - Volvo - Nr. shasise - XXXXXXXXXXXXX - Viti i prodhimit 2008 - Sipas pikes 2.3.10 nenpika e te DST.*
9. *Makina për larjen e rrugëve, (autobot) të pajisura me pompë për larjen e rrugëve me presion, me dy ose më shumë pjata larëse në pjesën e përparme, me kapacitet mbajtes 7 deri ne 8 ton Lloji - ATV - Marka - Ford - Nr. Shasise - XXXXXXXXXXXXX - Viti i prodhimit-1994 - Sipas pikes 2.3.10 nenpika f te DST.*
10. *Makina për larjen e rrugëve, (autobot) të pajisura me pompë për larjen e rrugëve me presion, me dy ose më shumë pjata larëse në pjesën e përparme, me kapacitet mbajtes 7 deri ne 8 ton Lloji - APV - Marka - Renault - Nr. shasise - XXXXXXXXXXXXX - Viti i prodhimiti 1996 - Sipas pikes 2.3.10 nenpika f te DST.*

III.1.5. Në nenin 77 pika 4 dhe 5 të Ligjit Nr. 162/2020 “Për Prokurimin Publik”, të ndryshuar, parashikohet shprehimisht se: 1. *Autoritetet ose entet kontraktore përcaktojnë kërkesat për kualifikim për operatorët ekonomikë bazuar në:*

- a) *përshtatshmërinë për të kryer veprimtarinë profesionale;*
- b) *gjendjen ekonomike dhe financiare;*
- c) *aftësinë teknike dhe profesionale.*

*Kërkesat kufizohen vetëm në ato që janë të përshtatshme për të garantuar që një kandidat ose ofertues të ketë kapacitetet juridike, financiare dhe aftësitë teknike e profesionale për të zbatuar kontratën që do të jepet. Të gjitha kërkesat duhet të kenë lidhje dhe të jenë proporcionale me objektin e kontratës.*

2. *Për sa i përket përshtatshmërisë për të kryer një veprimtari profesionale, autoritetet ose entet kontraktore mund të kërkojnë që operatorët ekonomikë të regjistrohen në një nga regjistrat profesionalë ose tregtarë.*

*Në procedurat e prokurimit për shërbime, ku është e nevojshme që operatorët ekonomikë të kenë një autorizim të veçantë ose të jenë anëtarë të një organizate të veçantë për të kryer shërbimin në fjalë në shtetin e tyre të origjinës, autoriteti ose enti kontraktor mund t'u kërkojë atyre të vërtetojnë se e kanë këtë autorizim ose anëtarësim.*

3. *Në lidhje me situatën ekonomike dhe financiare, autoritetet ose entet kontraktore mund të vendosin kërkesa që garantojnë se operatorët ekonomikë kanë kapacitetin e nevojshëm ekonomik dhe financiar për të zbatuar kontratën.*

*Për këtë qëllim autoritetet ose entet kontraktore mund të kërkojnë në veçanti që operatorët ekonomikë të kenë një xhiro vjetore minimale të caktuar. Gjithashtu, autoritetet ose entet kontraktore mund të kërkojnë që operatorët ekonomikë të japin informacione në bilancet e tyre vjetore që të tregojnë raportet ndërmjet aktivitetit dhe pasivitetit.*

*Xhiroja vjetore minimale që kërkohet nga operatorët ekonomikë nuk mund të tejkalojë dyfishin e vlerës së parashikuar të kontratës.*

*Kur një kontratë ndahet në lote, ky nen zbatohet për çdo lot individual. Megjithatë, autoriteti ose enti kontraktor mund të përcaktojë xhiron vjetore minimale që u kërkohet operatorëve, duke iu referuar grupeve të loteve, në rast se ofertuesi i suksesshëm merr disa lote që duhet të zbatohen në të njëjtën kohë.*

*Në rastin e kontratave që bazohen në një marrëveshje kuadër, kërkesa për xhiron minimale llogaritet mbi bazën e përmasave maksimale të kontratave specifike që do të zbatohen në të njëjtën kohë ose, kur përmasat nuk dihen, mbi bazën e vlerës së parashikuar të marrëveshjes kuadër.*

**4.** *Në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë se operatorët ekonomikë zotërojnë burimet e nevojshme njerëzore e teknike, si dhe përvojën e nevojshme për të zbatuar kontratën sipas një standardi të përshtatshëm cilësie.*

*Autoritetet ose entet kontraktore, në veçanti, mund të kërkojnë që operatorët ekonomikë të kenë një nivel të mjaftueshëm përvoja që vërtetohet nga referenca të përshtatshme nga kontratat e zbatuara në të shkuarën.*

*Aftësia profesionale e operatorëve ekonomikë për të ofruar shërbimin, punën, mallin vlerësohet në lidhje me aftësitë organizative, reputacionin dhe besueshmërinë, përvojën e duhur, si dhe personelin e nevojshëm për të zbatuar kontratën, siç është përshkruar nga autoriteti ose enti kontraktor në njoftimin e objektit të kontratës.*

**5.** *Autoritetet ose entet kontraktore përcaktojnë në njoftimin e kontratës ose në ftesën për shprehje interesi kriteret e përzgjedhjes, si dhe dokumentet konkrete që duhet të paraqesin operatorët ekonomikë për përmbushjen e këtyre kriterëve.”*

III.1.6. Në pikat 1 dhe 2 të nenit 82 “Formulari përmbledhës i vetëdeklarimit”, të ligjit nr. 162/2020 “Për prokurimin publik” përcaktohet se: “1. Bashkë me dorëzimin e kërkesave për pjesëmarrje ose të ofertave, **autoritetet ose entet kontraktore pranojnë si provë paraprake në vend të disa vërtetimeve të lëshuara nga autoritetet publike ose palë të treta, formularin përmbledhës të vetëdeklarimit, sipas parashikimeve të këtij ligji.** Përmbajtja e këtij formulari përcaktohet në rregullat e prokurimit publik. Kur autoriteti ose enti kontraktor mund t'i marrë dokumentet mbështetëse duke u futur direkt në një bazë të aksesueshme të dhënash shtetërore, në formularin përmbledhës të vetëdeklarimit përcaktohet edhe informacioni që kërkohet për këtë qëllim, siç është adresa në internet e bazës të të dhënave, çdo e dhënë identifikimi dhe, sipas rastit, në deklaratën e nevojshme për dhënien e pëlqimit. Operatorët ekonomikë mund të përdorin një formular vetëdeklarimi që është përdorur gjatë një procedure prokurimi të mëparshme, nëse informacioni që ajo përmban vazhdon të jetë i saktë dhe i vlefshëm.

**2. Në çdo kohë gjatë procedurës, autoriteti ose enti kontraktor mund t'u kërkojë ofertuesve dhe kandidatëve sqarime dhe dokumente mbështetëse për këto sqarime, kur kjo është e nevojshme për të garantuar zbatimin korrekt të procedurës.**

III.1.7. Në nenin 92 pika 3 të Ligjit Nr. 162/2020 “Për Prokurimin Publik”, të ndryshuar, parashikohet shprehimisht se:

1. Autoriteti ose enti kontraktor, kur e shikon të arsyeshme, u kërkon ofertuesve sqarime për ofertat e tyre, për shqyrtimin, vlerësimin dhe krahasimin sa më të drejtë të këtyre ofertave. Pa cenuar dispozitat e parashikuara në këtë ligj, nuk duhet të kërkohet, të ofrohet ose të lejohet asnjë ndryshim në përmbajtjen e ofertës, përfshirë ndryshimet në vlerë apo ndryshime që synojnë të kthejnë një ofertë të pavlefshme në të vlefshme.

2. Autoriteti ose enti kontraktor, pavarësisht nga përcaktimi i pikës 1 të këtij neni, duhet të korrigjojë vetëm gabimet aritmetike, që zbulohen gjatë shqyrtimit të ofertave. Autoriteti ose enti kontraktor njofton menjëherë për këto korrigjime ofertuesin që ka paraqitur ofertën. Kur ofertuesi nuk pranon korrigjimin e një gabimi aritmetik, oferta e tij do të skualifikohet.

3. Autoriteti ose enti kontraktor, në zbatim të pikës 4 të këtij neni, vlerëson një ofertë të vlefshme vetëm nëse ajo është në përputhje me të gjitha kërkesat dhe specifikimet e përcaktuara në njoftimin e kontratës dhe në dokumentet e tenderit, pa rënë ndesh me përcaktimet e nenit 38 të këtij ligji.

Oferta konsiderohet e vlefshme edhe nëse ajo përmban devijime të vogla, të cilat nuk ndryshojnë thelbësisht karakteristikat, kushtet dhe kërkesat e tjera, të përcaktuara në dokumentet e tenderit, gabime shtypi, të cilat mund të korrigjohen pa prekur përmbajtjen e saj, si edhe ato të lidhura me informacionet që merren lehtësisht nga dokumente faktike, që tregojnë gjendjen e operatorit ekonomik në kohën e ofertimit.

III.1.8. Në nenin 26 “Formulari përmbledhës i vetëdeklarimit”, pikat 1, 2, 3, 6 dhe 7 të Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik” i ndryshuar, parashikohet shprehimisht se: “Bashkë me dorëzimin e kërkesave për pjesëmarrje ose të ofertave, **autoriteti/enti kontraktor pranon si provë paraprake, në vend të disa vërtetimeve të lëshuara nga autoritetet publike ose palë të treta, formularin përmbledhës të vetëdeklarimit, sipas përcaktimit në nenin 82, të LPP-së, dhe në këto rregulla.**”

2. Formulari përmbledhës i vetëdeklarimit përmban informacion dhe deklarin, si më poshtë vijon:

a) operatori ekonomik është i regjistruar në regjistrin tregtar sipas legjislacionit të vendit ku ushtron aktivitetin ose sipas legjislacionit të posaçëm, në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv;

b) operatori ekonomik nuk është dënuar për asnjë nga veprat penale, të parashikuara në pikën 1, të nenit 76, të LPP-së;

c) personi/at në cilësinë e anëtarit të organit administrativ, drejtuesit ose mbikëqyrësit, aksionerit ose ortakut, ose që ka kompetenca përfaqësuese, vendimmarrjeje ose kontrolluese brenda operatorit ekonomik, nuk është ose ka qenë i dënuar me vendim gjyqësor të formës së prerë për asnjë nga veprat penale, të përcaktuara në pikën 1, të nenit 76, të LPP-së;

ç) operatori ekonomik nuk është dënuar me vendim të gjykatës së formës së prerë, për vepra që lidhen me veprimtarinë profesionale;

d) operatori ekonomik nuk është në proces falimentimi;

- dh) operatori ekonomik ka paguar të gjitha detyrimet për pagimin e taksave dhe tatimeve 1 të kontributeve të sigurimeve shoqërore, sipas parashikimeve të pikës 2, të nenit 76, të LPP-së;
- e) operatori ekonomik ka shlyer të gjitha detyrimet e maturuara të energjisë elektrike, dhe përmbush kërkesat që rrjedhin nga legjislacioni i fushës në fuqi. Ky informacion kërkohet për operatorët ekonomikë, të cilët ushtrojnë veprimtarinë në territorin e Republikës së Shqipërisë;
- ë) operatori ekonomik nuk ndodhet në kushtet e konfliktit të interesit, sipas legjislacionit në fuqi;
- f) operatori ekonomik ushtron aktivitetin në zbatim të kërkesave ligjore të legjislacionit mjedisor, social dhe të punës;
- g) operatori ekonomik ka paraqitur ofertë të pavarur, sipas kërkesave të legjislacionit në fuqi;
- gj) operatori ekonomik përmbush specifikimet teknike, sipas kërkesave të përcaktuara nga autoriteti/enti kontraktor;
- h) operatori ekonomik disponon fuqinë punëtore, të nevojshme për ekzekutimin e kontratës, sipas kërkesave të autoritetit/entit kontraktor (kur është rasti);
- i) operatori ekonomik disponon mjetet dhe makineritë e nevojshme për ekzekutimin e kontratës, sipas kërkesave të autoritetit/entit kontraktor, kur është rasti;**
- j) informacion mbi subjektet, mbi kapacitetet e të cilave, operatori ekonomik do të mbështetet, nëse është rasti dhe nënkontraktorët e mundshëm, nëse është rasti;
- k) operatori ekonomik ushtron aktivitetin konform kërkesave të legjislacionit në fuqi.

3. Informacioni i pasqyruar në formularin e vetëdeklarimit, i cili gjendet në një bazë të dhënash, ku autoriteti/enti kontraktor mund të aksesojë direkt këtë informacion dhe /ose dokumentin, duhet të shoqërohet me adresën përkatëse për këtë bazë të dhënash.

4. Për përmbushjen e detyrimit sipas këtij neni, operatorët ekonomikë mund të përdorin një formular vetëdeklarimi që është përdorur gjatë një procedure prokurimi të mëparshme, nëse informacioni që ajo përmban vazhdon të jetë i saktë dhe i vlefshëm.

5. Operatorëve ekonomikë nuk u kërkohet të dorëzojnë dokumente mbështetëse, kur autoriteti ose enti kontraktor që ka dhënë kontratën ose ka lidhur marrëveshjen kuadër, i ka këto dokumente.

**6. Përpara publikimit të njoftimit të fituesit dhe nisjes së afateve të ankimit, autoriteti/enti kontraktor i kërkon ofertuesit të kualifikuar, i pari dorëzimin e dokumenteve provuese të parashikuara në shkronjat “a”, “b”, “d”, “dh”, “e”, “h”, “i”, “j” të pikës 2 të këtij neni, si dhe dokumentet e tjera shoqëruese të ofertës, të dorëzuara në rrugë elektronike. Këto dokumente duhet të paraqiten në origjinal ose në kopje të njësuara me origjinalin.**

Autoriteti/enti kontraktor pranon një dokument të lëshuar nga i njëjti institucion ose palë e tretë dhe që ka të njëjtin informacion me atë të paraqitur në procedurën e zhvilluar në mënyrë elektronike.

*Operatorët ekonomikë të huaj duhet të paraqesin dokumentet në formën e kërkuar nga legjislacioni në fuqi për njohjen e dokumentacionit të lëshuar në një shtet të huaj.*

*Për dokumentet që nuk lëshohen në vendin e origjinës, operatorët ekonomikë duhet të vetëdeklarojnë këtë fakt, përndryshe dokumentacioni do të konsiderohet i paparaqitur.*

**7. Në çdo rast, autoriteti/enti kontraktor ka të drejtë të kryejë verifikimet e nevojshme mbi vërtetësinë e informacionit të deklaruar nga operatori ekonomik si më sipër, ose t'i kërkojë operatorit sqarime dhe dokumente mbështetëse për këto sqarime.**

III.1.9. Në nenin 39, pika 4 dhe gërma “d” e pikës 6 të Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik”, parashikohet shprehimisht se: “4. Kërkesat e veçanta të kualifikimit duhet të përfshijnë të gjitha kriteret specifike në përputhje me nenin 77, të LPP-së. Kriteret duhet të jenë në përpjesëtim dhe të lidhura ngushtë me aftësinë zbatuese, natyrën dhe vlerën e kontratës. Në çdo rast, autoriteti ose enti kontraktor duhet të përcaktojë dokumentet konkrete që duhet të paraqesin operatorët ekonomikë për përmbushjen e këtyre kriterëve.

6. Për të provuar përshtatshmërinë për të kryer veprimtarinë profesionale, kapacitetet teknike dhe profesionale, autoriteti/enti kontraktor kërkon:

*d) mjetet e pajisjet teknike, të nevojshëm për ekzekutimin e objektit të prokurimit, që ka në dispozicion apo që mund t'i vihen në dispozicion operatorit ekonomik për të përmbushur kontratën.[...]*”

III.1.9. Referuar frymës së legjislacionit për prokurimin publik, vendosja e kriterëve të veçanta për kualifikim ka si synim kryesor që t'i shërbejë autoritetit kontraktor për njohjen e gjendjes dhe kapaciteteve të operatorëve ekonomikë, të cilët, nëpërmjet dokumentacionit të paraqitur duhet të vërtetojnë se zotërojnë kualifikimet e nevojshme teknike, profesionale, kapacitetet ekonomike, financiare dhe organizative, makineritë, pajisjet e asete të tjera fizike, reputacionin dhe besueshmërinë, përvojën e duhur, si dhe personelin e nevojshëm, gjithçka në funksion të realizimit me sukses të kontratës. Kriteret kualifikuese të përcaktuara nga autoriteti kontraktor janë të detyrueshme për t'u përmbushur nga të gjithë ofertuesit ekonomikë pjesëmarrës në një procedurë prokurimi. Autoriteti kontraktor do të konsiderojë një ofertë të vlefshme, vetëm nëse ajo është në përputhje me të gjitha kërkesat dhe specifikimet e përcaktuara në njoftimin e kontratës dhe në dokumentet e tenderit. Për pasojë, Komisioni gjykon, se operatorët ekonomikë pjesëmarrës në një procedurë prokurimi duhet të plotësojnë vetëm kërkesat e vendosura në dokumentet e tenderit, e rrjedhimisht, vlerësimi e kualifikimi i tyre duhet të bëhet në përputhje vetëm me këto kërkesa. Në pikën 1 dhe 6 të nenit 26 “Formulari përmbledhës i vetëdeklarimit”, të Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik” i ndryshuar, parashikohet shprehimisht se: “Bashkë me dorëzimin e kërkesave për pjesëmarrje ose të ofertave, **autoriteti/enti kontraktor pranon si provë paraprake, në vend të disa vërtetimeve të lëshuara nga autoritetet publike ose palë të treta, formularin**

**përmbledhës të vetëdeklarimit, sipas përcaktimit në nenin 82, të LPP-së, dhe në këto rregulla.**

2. Formulari përmbledhës i vetëdeklarimit përmban informacion dhe deklarimin, si më poshtë vijon: i) operatori ekonomik disponon mjetet dhe makineritë e nevojshme për ekzekutimin e kontratës, sipas kërkesave të autoritetit/entit kontraktor, kur është rasti; 6. **Përpara publikimit të njoftimit të fituesit dhe nisjes së afateve të ankimit, autoriteti/enti kontraktor i kërkon ofertuesit të kualifikuar, i pari dorëzimin e dokumenteve provuese të parashikuara në shkronjat “a”, “b”, “d”, “dh”, “e”, “h”, “i”, “j” të pikës 2 të këtij neni, si dhe dokumentet e tjera shoqëruese të ofertës, të dorëzuara në rrugë elektronike. Këto dokumente duhet të paraqiten në origjinal ose në kopje të njësuara me origjinalin.** Nga shqyrtimi i dokumentacionit të administruar, Komisioni i Prokurimit Publik, konstaton, se për përmbushjen e kriterit 2.3.10 “Kapaciteti teknik” të dokumenteve standarde të tenderit për disponimin e mjeteve të kërkuara në pronësi/përdorim/qira, operatori ekonomik ankimues “Alko Impex General Construction” dhh ka dorëzuar në sistemin e prokurimit elektronik (SPE), **1- Formularin Përmbledhës të Vetëdeklarimit (shtojca 9), 1. Makine transportuese me kapacitet mbajtës jo me pak se 10 ton – 3 cope; AA XXX YT; AA XXX YT; AB XXX GX, Kontratë Qeraje Nr. Rep XXXX, Nr. Kol XXXX. 2. Makine teknologjike transportuese me kapacitet mbajtës 3 deri ne 4 ton- 1 copë; AB XXX HH në pronësi. 3. Makine teknologjike transportuese me kapacitet mbajtës 0.5 deri ne 1.5 ton -1 copë; AA XXX GC; AA XXX XI; Kontratë Qeraje Nr. Rep XXXX, Nr. Kol XXXX. 4. Makine tranposrtuese kamioncine me papacitet mbajtës 2 deri ne 4 ton -1 cope; AB XXX EH në pronësi. 5. Makine teknologjike per larjen e kontenierve-1 cope; AB XXX DZ; Kontratë Qeraje Nr. Rep XXXX, Nr. Kol XXXX. 6. Makine per larjen e rrugve (autobot) me kapacitet 7-8 ton- 1 cope; AB XXX HH. Kontratë Qeraje Nr. Rep XXXX, Nr. Kol XXXX., 2- Deklaratë për Mjetet sipas formatit të përcaktuar nga autoriteti kontraktor në dokumentet standarde të tenderit.** Ndërsa operatori ekonomik ankimues “Rej” SHPK ka dorëzuar në sistemin e prokurimit elektronik (SPE), për përmbushjen e kriterit 2.3.10 “Kapaciteti teknik” të dokumenteve standarde të tenderit - **Formularin përmbledhës të vetëdeklarimit (shtojca 9) nga operatori ekonomik “Rej” SHPK, ku në Deklaratën B për disponimin e punonjësve dhe makinerive të nevojshme është plotësuar si vijon: “Makineri e mjete PO. 1. Makinë teknologjike transportuese, me ngarkim fundor ose anësor, me kapacitet mbajtës jo me pak se 10 ton, Lloji - APV - Marka-Scania - Nr. Shasise -XXXXXXXXXXXX - Viti i Prodhimit 2009 - Sipas pikes 2.3.10 nenpika a te DST. 2. Makinë teknologjike transportuese, me ngarkim fundor ose anësor, me kapacitet mbajtës jo me pak se 10 ton, Lloji - APV - Marka - Scania - Nr. Shasise - XXXXXXXXXXXXX - Viti i Prodhimit 2009 - Sipas pikes 2.3.10 nenpika a te DST. 3. Makinë teknologjike transportuese, me ngarkim fundor ose anësor, me kapacitet mbajtës jo me pak se 10 ton, Lloji - APV - Marka - Scania - Nr. Shasise - XXXXXXXXXXXXX - Viti i prodhimit 2000 - Sipas pikes 2.3.10nenpika a te DST. 4. Makinë teknologjike transportuese, me ngarkim fundor ose anësor, me kapacitet mbajtës 3 deri 4 ton Lloji - ATV - Marka - MAN - Nr. Shsise - XXXXXXXXXXXXX - Viti i prodhimit 1987 - Sipas pikes 2.3.1 nenpika b te DST. 5. Makinë teknologjike transportuese, me ngarkim fundor ose anësor, me kapacitet mbajtës 0.5 deri 1.5 ton Lloji - APV - Marka - Sokon Steck - Nr. shasise - XXXXXXXXXXXXX - Viti i Prodhimit 2012 - Sipas pikes 2.3.10 nenpika c te DST. 6. Makine transportuese kamioncine per transportine mbetjeve te vellimshme me kapacitet mbajtës 2 deri 4 ton veteshkarkuese Lloji - Kamion - Marka - Daimler Chrysler - Nr. Shasie - XXXXXXXXXXXXX - Viti i Prodhimit 2000 - Sipas pikes 2.3.1 nenpika d te DST. 7. Makine teknologjike me paisje te vecante per larjen e**



konteniereve Lloji - APV - Marka - Renault - Nr. Shasise - XXXXXXXXXXXX - Viti i prodhimit 1997 - Sipas pikes 2.3.10 nenpika e te DST. **8. Makine teknologjike me paisje te vecante per larjen e konteniereve Lloji - APV - Marka - Volvo - Nr. shasise - XXXXXXXXXXXX - Viti i prodhimit 2008 - Sipas pikes 2.3.10 nenpika e te DST. 9. Makina për larjen e rrugëve, (autobot) të pajisura me pompë për larjen e rrugëve me presion, me dy ose më shumë pjata larëse në pjesën e përparme, me kapacitet mbajtes 7 deri ne 8 ton Lloji - ATV - Marka - Ford - Nr. Shasise - XXXXXXXXXXXX - Viti i prodhimit-1994 - Sipas pikes 2.3.10 nenpika f te DST. 10. Makina për larjen e rrugëve, (autobot) të pajisura me pompë për larjen e rrugëve me presion, me dy ose më shumë pjata larëse në pjesën e përparme, me kapacitet mbajtes 7 deri ne 8 ton Lloji - APV - Marka - Renault - Nr. shasise - XXXXXXXXXXXX - Viti i prodhimiti 1996 - Sipas pikes 2.3.10 nenpika f te DST.** Autoriteti kontraktor ka skualifikuar operatorin ekonomik “Alko Impex General Construcion” dhh me arsyetimin se: Mjeti Makine teknologjike me paisje te vecante per larjen e konteniereve e deklaruar nga Operatori Ekonomik nuk eshte sipas specifikimeve te kerkuara ne DST. Nga fotot e paraqitura ne SPE ky mjet nuk ka paisjen e ngritjes dhe larjes se kazaneve, dhe operatorin ekonomik “Rej” SHPK me arsyetimin se: Operatori Ekonomik skualifikohet pasi nuk ka mundur te plotesoje piken 2.3.10 sipas kriterave te vecanta ne DST. Nga shqyrtimi i dokumentacionit të dorëzuar në SPE, Komisioni konstaton, se operatorët ekonomikë ankimues në dorëzimin e Formularit Përmbledhës të Vetëdeklarimit, kanë plotësuar të gjitha të dhënat e mundshme që parashikon formulari përmbledhës konkretisht kanë deklaruar mjetet në shtojcën përkatëse. Për më tepër, autoriteti kontraktor gjatë vlerësimit për këtë procedurë prokurimi dhe përpara publikimit të njoftimit nuk ka zbatuar përcaktimet e bëra në pikën 6 të nenit 26 të VKM, ku thuhet se **Përpara publikimit të njoftimit të fituesit dhe nisjes së afateve të ankimit, autoriteti/enti kontraktor i kërkon ofertuesit të kualifikuar, i pari dorëzimin e dokumenteve provuese të parashikuara në shkronjat “a”, “b”, “d”, “dh”, “e”, “h”, “i”, “j” të pikës 2 të këtij neni, si dhe dokumentet e tjera shoqëruese të ofertës, të dorëzuara në rrugë elektronike. Këto dokumente duhet të paraqiten në origjinal ose në kopje të njësuara me origjinalin.** Gjithashtu nuk ka kërkuar asnjë sqarim apo informacion në përputhje me pikën 7 të nenit 26 të VKM, sipas së cilës në çdo rast, autoriteti kontraktor ka të drejtë të kryejë verifikimet e nevojshme mbi vërtetësinë e informacionit të deklaruar nga operatori ekonomik ose t’i kërkojë sqarime dhe dokumente mbështetëse për këto sqarime. Në rastin konkret autoriteti kontraktor Bashkia Vorë nuk i ka kërkuar ofertuesve dorëzimin e dokumenteve provuese të parashikuara në pikën 2 shkronjën i) operatori ekonomik disponon mjetet dhe makineritë e nevojshme për ekzekutimin e kontratës, sipas kërkesave të autoritetit/entit kontraktor, kur është rasti, për arritjen e një përfundimi të saktë, që operatori ekonomik ankimues nuk e plotëson këtë kriter.

Gjithashtu, sipas shtojcës 12 Formulari Përmbledhës i Vetëdeklarimit, Pjesa II, Pika A-Deklarata për përmbushjen e kriterave të përgjithshme të kualifikimit, është përcaktuar që referencat për këto lloj deklaratah do të bëhen në rastet kur janë të zbatueshme: “Nëse dokumentacioni përkatës është i disponueshëm në formë elektronike, ju lutemi tregoni”. Pra, Komisioni gjykon, se ka dy mënyra se si autoriteti kontraktor mund të marrë këto dokumente, e para në bazë të të dhënave të aksesueshme shtetërore nëse është i disponueshëm dhe e dyta duke **Përpara publikimit të njoftimit të fituesit dhe nisjes së afateve të ankimit autoriteti/enti kontraktor i kërkon ofertuesit të kualifikuar, i pari dorëzimin e dokumenteve provuese të parashikuara në**

**shkronjat “a”, “b”, “d”, “dh”, “e”, “h”, “i”, “j” të pikës 2 të nenit 26 të VKM-së, si dhe dokumentet e tjera shoqëruese të ofertës, të dorëzuara në rrugë elektronike.** Komisioni gjykon, se autoriteti kontraktor në fazën e vlerësimit procedural në të cilën ndodhet aktualisht procedura e prokurimit objekt-ankimi, për përmbushjen e kriterëve të përgjithshme të kualifikimit, duhet t’i referohet Formularit Përmbledhës të Vetëdeklarimit, sipas rubrikave të aksesueshme elektronikisht nga autoriteti kontraktor dhe kërkesën për **dorëzimin e dokumenteve provuese të parashikuara në shkronjat “a”, “b”, “d”, “dh”, “e”, “h”, “i”, “j” të pikës 2 të nenit 26 të VKM-së, si dhe dokumentet e tjera shoqëruese të ofertës, të dorëzuara në rrugë elektronike.** Akoma më tej Komisioni i Prokurimit Publik, gjykon, se është me vend të theksojë rolin e posaçëm që ka autoriteti kontraktor, për vetëcilësimin e tij ligjor, si autoriteti me interes dhe përgjegjësi thelbësore për realizimin e suksesshëm të kontratës. KPP sjell në vëmendje, se referuar rregullave të prokurimit publik, është pikërisht autoriteti/enti kontraktor ai që duhet t’i kërkojë **ofertuesit të kualifikuar, i pari përpara publikimit të njoftimit të fituesit dhe nisjes së afateve të ankimit dorëzimin e dokumenteve provuese të parashikuara në shkronjat “a”, “b”, “d”, “dh”, “e”, “h”, “i”, “j” të pikës 2 të nenit 26 të VKM-së 285.** Këto dokumente duhet të paraqiten në origjinal ose në kopje të njësuara me origjinalin, për t’u siguruar nëse cilësia e shërbimit, punës apo mallit është e njëjtë me cilësinë e premtuar në momentin apo fazën e ofertimit. Në përfundim të analizës së fakteve përkatëse, Komisioni arrin në konkluzionin se dokumentacioni i paraqitur nga operatori ekonomik ankimues “Alko Impex General Construcion” dhh dhe “Rej” SHPK në procedurën e prokurimit objekt shqyrtimi, rezulton se i plotësojnë kërkesat e autoritetit kontraktor dhe konsiderohen të vlefshëm për këtë fazë. KPP gjykon, se arsyeja e skualifikimit si për operatorin ekonomik “Alko Impex General Construcion” dhh dhe për operatorin ekonomik “Rej” SHPK në rastin konkret, nuk është në përputhje me kriterin e kualifikimit të vendosur nga autoriteti kontraktor për plotësimin e këtij kapaciteti, pasi nga shqyrtimi dokumentacionit dhe informacionit të ardhur nga autoriteti kontraktor për procedurën e prokurimit objekt-ankimi, nuk rezulton që ky i fundit të këtë bërë një hetim apo verifikim për mjetet. Për më tepër, KPP vëren, se legjislacioni i prokurimit publik i njeh të drejtën autoritetit kontraktor, por dhe vetë ky i fundit ka rezervuar në dokumentet standarde të tenderit edhe të drejtën e verifikimit apo sqarimit nga operatorët ekonomikë pjesëmarrës lidhur me vërtetësinë dhe saktësinë e informacionit që përmbajnë dokumentet e paraqitura nga ata dhe më pas të marrë vendim lidhur me to. Në këto kushte, Komisioni gjykon, se skualifikimi i operatorëve ekonomikë ankimues “Alko Impex General Construcion” dhh dhe “Rej” SHPK nga ana e autoritetit kontraktor nuk është i drejtë.

Komisioni i Prokurimit Publik, gjykon se, është me vend të theksojë rolin e posaçëm që ka autoriteti kontraktor, për vetëcilësimin e tij ligjor, si autoriteti me interes dhe përgjegjësi thelbësore për realizimin e suksesshëm të kontratës. KPP sjell në vëmendje, se referuar rregullave të prokurimit publik, është pikërisht autoriteti kontraktor ai që duhet të monitorojë zbatimin e kontratës, për t’u siguruar nëse cilësia e mallrave është e njëjtë me cilësinë e premtuar në ofertë dhe të përcaktuar në kontratë.

Akoma më tej Komisioni i Prokurimit Publik, gjykon, se është me vend të theksojë rolin e posaçëm që ka autoriteti kontraktor, për vetëcilësimin e tij ligjor, si autoriteti me interes dhe përgjegjësi thelbësore për realizimin e suksesshëm të kontratës. KPP sjell në vëmendje, se referuar rregullave të prokurimit publik, është pikërisht autoriteti kontraktor ai që duhet t’i

kërkojë ofertuesit të kualifikuar, i pari përpara publikimit të njoftimit të fituesit dhe nisjes së afateve të ankimit dorëzimin e dokumenteve provuese të parashikuara në shkronjat “a”, “b”, “d”, “dh”, “e”, “h”, “i”, “j” të pikës 2 të nenit 26 të VKM-së 285, si dhe dokumentet e paraqitura si pjesë e ofertës në rrugë elektronike. Këto dokumente duhet të paraqiten në origjinal ose në kopje të njësuara me origjinalin, për t’u siguruar nëse cilësia e shërbimit, punës apo mallit është e njëjtë me cilësinë e premtuar në momentin apo fazën e ofertimit. Në përfundim të analizës së fakteve përkatëse, Komisioni arrin në konkluzionin, se dokumentacioni i paraqitur nga operatorët ekonomikë ankimues në procedurën e prokurimit objekt shqyrtimi i plotëson kërkesat e autoritetit kontraktor dhe duhet të konsiderohet i vlefshëm.

Për sa më lart, pretendimi i operatorit ekonomik ankimues “Alko Impex General Construcion” dhh dhe “Rej” SHPK qëndron.

III.2. Lidhur me pretendimin e operatorit ekonomik ankimues “Alko Impex General Construction” dshh”, mbi kundërshtimin e skualifikimit të ofertës së tij me arsyen se: “Drejtuesi Teknik i deklaruar Zj. E. C është deklaruar Drejtuese Teknike edhe ne Proceduren me Objekt “Shërbimi i pastrimit të territorit të Bashkisë Himarë” sipas Vendimit te KPP 474/2022 dhe sipas Buletinit Javor seksioni i kontratave te nenshkruara. Drejtuesit teknikë të shoqërisë nuk mund të jenë personat që janë të angazhuar në çdo punë-marrje tjetër publike..” Komisioni i Prokurimit Publik vëren se:

III.2.1. Nga shqyrtimi i dokumenteve të tenderit, në Shtojcën 9 në dokumentet standarde të tenderit të procedurës së prokurimit objekt-ankimi, autoriteti kontraktor ka kërkuar si më poshtë vijon:

### Shtojca 9.

(Shtojcë për tu paraqitur nga operatori ekonomik)

### FORMULARI PËRMBLEDHËS I VETËDEKLARIMIT

Unë i nënshkruari \_\_\_\_\_ në cilësinë e \_\_\_\_\_ të operatorit ekonomik \_\_\_\_\_ deklaroj nën përgjegjësinë time të plotë që:

#### Pjesa I: Informacion në lidhje me Operatorin Ekonomik

| Identifikimi  | Përgjigjja |
|---|------------|
| Emri i operatorit ekonomik:<br>(Ju lutemi renditni të gjithë operatorët ekonomikë nëse jeni një BOE. Ju lutemi tregoni rolin e operatorit ekonomik në BOE | -----      |

|   |       |
|---|-------|
| Numri NIPT/et:                                  | ----- |
| Adresa postare:<br>Qyteti / qyteti; Kodi postar | ----- |
| Përfaqësuesi (emri):                            | ----- |
| Telefoni:                                       | ----- |
| E-mail:   | ----- |

## B: DEKLARATË

**Për nënkontraktorët dhe subjektet në kapacitetet, e të cilave do të mbështetet Operatori Ekonomik (nëse është e zbatueshme)**

Në cilësinë e operatorit ekonomik, deklaroj nën përgjegjësinë time të plotë se:

- Informacione për nënkontraktorin**

| Emri i nënkontraktorit të propozuar | NIPT –i | Përqindja e nënkontraktimit | Shërbimet /Mallrat e lidhura me to për t’u nënkontraktuar |
|-------------------------------------|---------|-----------------------------|---|
|                                     |         |                             |   |
|                                     |         |                             |   |
|                                     |         |                             |   |

- Informacion mbi subjektet mbi kapacitetin, e të cilëve do të mbështetet operatori ekonomik**

| Emri (at) e subjekteve | NIPT-i | Lloji i kapacitetit për të cilin do të mbështetet operatori ekonomik | Specifiko konkretisht kapacitetin/et |
|------------------------|--------|--|--------------------------------------|
|                        |        |  |                                      |

|  |  |  |  |
|--|--|--|--|
|  |  |  |  |
|  |  |  |  |
|  |  |  |  |

Deklaroj se, për subjektin / subjektet në kapacitetin/et, e të cilit/ëve do të mbështetem, nuk ka arsye për skualifikimin ose përjashtimin e tij / tyre nga procedura, në përputhje me dispozitat e nenit 76 të LPP-së, dhe konfirmoj me dokumente provuese që do të ketë burimet e kërkuara siç janë deklaruar.

## Pjesa II: Shkaqet e përjashtimit

### A: DEKLARATA PËR PËRMBUSHJEN E KRITEREVE TË PËRGJITHSHME TË KUALIFIKIMIT

| Deklarata   | Referencat (kur janë të zbatueshme)   |
|---|---|
| Operatori ekonomik është i regjistruar në regjistrin tregtar sipas legjislacionit të vendit ku ushtron aktivitetin, ose sipas legjislacionit të posaçëm në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv.                                | Nëse dokumentacioni përkatës është i disponueshëm në formë elektronike, ju lutemi tregoni:<br>Adresën e ueb-it: [shkruajeni]<br>Autoritetin ose organin lëshues: [shkruajeni]<br>Lloji i dokumentit: [shkruajeni] |
| Operatori ekonomik nuk është dënuar për ndonjë nga veprat penale të parashikuara në nenin 76/1 të LPP-së ose ka qenë i dënuar dhe ka kaluar një periudhë 5-vjeçare nga data e ekzekutimit të dënimit, nëse nuk është përcaktuar një periudhë tjetër nga gjykata, sipas parashikimeve të nenit 76 të LPP-së. | Nëse dokumentacioni përkatës është i disponueshëm në formë elektronike, ju lutemi tregoni:<br>Adresën e ueb-it: [shkruajeni]<br>Autoritetin ose organin lëshues: [shkruajeni]<br>Lloji i dokumentit: [shkruajeni] |
| Personi / personat në cilësinë e  | Nëse dokumentacioni përkatës është i  |

|  |  |
|--|--|
| <p>anëtarit të organit administrativ, drejtorit ose mbikëqyrësit, si aksionar ose si ortak, ka ose fuqi përfaqësuese, vendimmarrëse ose kontrolluese brenda operatorit ekonomik, si më poshtë:</p> <hr/> <hr/> <p>etj.</p> <p>nuk janë të dënuar me vendim gjyqësor të formës së prerë për ndonjë nga veprat penale të përcaktuara në nenin 76/1 të LPP-së ose kanë qenë i dënuar dhe ka kaluar një periudhë 5-vjeçare nga data e ekzekutimit të dënimit, nëse nuk është përcaktuar një periudhë tjetër nga gjykata, sipas parashikimeve të nenit 76 të LPP-së, etj.</p> | <p>disponueshëm në formë elektronike, ju lutemi tregoni:</p> <p>Adresën e ueb-it: [shkruajeni]</p> <p>Autoritetin ose organin lëshues: [shkruajeni]</p> <p>Lloji i dokumentit: [shkruajeni]]</p>                                     |
| <p>Operatori ekonomik nuk është dënuar me vendim gjyqësor të formës së prerë për vepra që lidhen me veprimtarinë profesionale.</p>   | <p>Nëse dokumentacioni përkatës është i disponueshëm në formë elektronike, ju lutemi tregoni:</p> <p>Adresën e ueb-it: [shkruajeni]</p> <p>Autoritetin ose organin lëshues: [shkruajeni]</p> <p>Lloji i dokumentit: [shkruajeni]</p> |
| <p>Operatori ekonomik nuk është në proces falimentimi (statusi aktiv).</p>   | <p>Nëse dokumentacioni përkatës është i disponueshëm në formë elektronike, ju lutemi tregoni:</p> <p>Adresën e ueb-it: [shkruajeni]</p> <p>Autoritetin ose organin lëshues: [shkruajeni]</p> <p>Lloji i dokumentit: [shkruajeni]</p> |

|   |  |
|---|--|
| <p>Operatori Ekonomik ka paguar të gjitha detyrimet për taksat,tatimet dhe kontributet e sigurimeve shoqërore, sipas legjislacionit në fuqi, ose ndodhet në një nga rastet e parashikuara në nenin 76/2 të LPP-së</p>   | <p>Nëse dokumentacioni përkatës është i disponueshëm në formë elektronike, ju lutemi tregoni:</p> <p>Adresën e ueb-it: [shkruajeni]</p> <p>Autoritetin ose organin lëshues: [shkruajeni]</p> <p>Lloji i dokumentit: [shkruajeni]</p> |
| <p>Operatori ekonomik ka paguar të gjitha detyrimet e energjisë elektrike, për të gjitha adresat e ushtrimit të aktivitetit, sipas legjislacionit përkatës në fuqi.</p> <p>Ky informacion kërkohet për operatorët ekonomikë, të cilët operojnë në territorin e Republikës së Shqipërisë.</p>  | <p>Nëse dokumentacioni përkatës është i disponueshëm në formë elektronike, ju lutemi tregoni:</p> <p>Adresën e ueb-it: [shkruajeni]</p> <p>Autoritetin ose organin lëshues: [shkruajeni]</p> <p>Lloji i dokumentit: [shkruajeni]</p> |
| <p>Operatori ekonomik ushtron aktivitetin e tij në zbatimin e kërkesave ligjore në fuqi, përfshirë legjislacionin mjedisor, social dhe të punës.</p>  | <p>Nëse dokumentacioni përkatës është i disponueshëm në formë elektronike, ju lutemi tregoni:</p> <p>Adresën e ueb-it: [shkruajeni]</p> <p>Autoritetin ose organin lëshues: [shkruajeni]</p> <p>Lloji i dokumentit: [shkruajeni]</p> |
| <p>Operatori ekonomik nuk është në listën e operatorëve ekonomikë të ndaluar për të fituar kontrata publike në përputhje me nenin 78 të LPP-së.</p> <p>Operatori ekonomik nuk ka në cilësinë e anëtarit të organit të administrimit, drejtues ose mbikëqyrës i atij, aksionar ose ortak, ose me kompetenca përfaqësuese, vendimmarrjeje ose kontrolluese brenda tij persona të cilët janë /kanë qenë në këtë cilësi në një operator ekonomik të përjashtuar nga e drejta për të përfituar fonde publike, me vendim të Agjencisë së Prokurimit</p> | <p>Nëse dokumentacioni përkatës është i disponueshëm në formë elektronike, ju lutemi tregoni:</p> <p>Adresën e ueb-it: [shkruajeni]</p> <p>Autoritetin ose organin lëshues: [shkruajeni]</p> <p>Lloji i dokumentit: [shkruajeni]</p> |

|   |  |
|---|--|
| Publik, gjatë kohës që ky vendim është në fuqi. |  |
|---|--|

## B: DEKLARATA

### Për Dorëzimin e Ofertave të Pavarura

| Deklarata   | Përgjigje |
|---|-----------|
| Në cilësinë e operatorit ekonomik, bëj këtë deklaratë në përputhje me nenin 1 të Ligjit Nr. 162/2020, datë 23.12.2020 "Për Prokurimin Publik", dhe në zbatim të Ligjit Nr. 9121/2003 "Për Mbrojtjen e Konkurrencës", dhe garantoj që deklaratat e mëposhtme janë të vërteta dhe të plota në çdo aspekt: |           |
| 11. Kam lexuar dhe kuptuar përmbajtjen e kësaj deklaratë;   | Po [ ]    |
| 12. Kuptoj që oferta e paraqitur do të skualifikohet dhe / ose përjashtohet nga pjesëmarrja në prokurimin publik nëse kjo Deklaratë konstatohet se nuk është e plotë dhe / ose e pasaktë në të gjitha aspektet;   | Po [ ]    |
| 13. Jam i autorizuar nga Ofertuesi për të nënshkruar këtë Deklaratë dhe për të paraqitur një Ofertë në emër të Ofertuesit;  | Po [ ]    |
| 14. Çdo person, nënshkrimi i të cilit paraqitet në dokumentacionin e ofertës  | Po [ ]    |



|  |                             |
|--|-----------------------------|
| <p>është i autorizuar nga ofertuesi për të përgatitur dhe për të nënshkruar ofertën në emër të ofertuesit;</p>   |                             |
| <p>15. Për efekt të kësaj deklaratë dhe ofertës së paraqitur, unë e kuptoj se fjala "konkurrent" nënkupton çdo operator tjetër ekonomik, përveç Ofertuesit, pavarësisht nëse paraqitet si një bashkim i operatorëve ekonomikë ose jo, që:</p> <p>a) paraqet një ofertë në përgjigje të Njoftimit të Kontratës të bërë nga Autoriteti/Enti Kontraktor;</p> <p>b) është ofertues i mundshëm i cili, bazuar në kualifikimet, aftësitë ose përvojat e tij, mund të paraqesë një Ofertë në përgjigje të Njoftimit të Kontratës.</p> | <p><b>Po [ ]</b></p>        |
| <p>16. Ofertuesi deklaron se e ka përgatitur ofertën e tij në mënyrë të pavarur, pa u konsultuar, komunikuar dhe pa pasur ndonjë marrëveshje ose dakord me ndonjë konkurrent tjetër;</p>   | <p><b>Po [ ] Jo [ ]</b></p> |
| <p>17. Ofertuesi deklaron se është konsultuar, ka komunikuar, ka lidhur marrëveshje me një ose më shumë konkurrentë në lidhje me këtë procedurë prokurimi. Ofertuesi deklaron se në dokumentet e bashkangjitura, detajet e kësaj oferte përfshijnë emrat e konkurrentëve, natyrën dhe arsyet e konsultimit, komunikimit,</p>   | <p><b>Po [ ] Jo [ ]</b></p> |

|  |                             |
|--|-----------------------------|
| <p>marrëveshjes ose angazhimit (në rast të një bashkimi të operatorëve ekonomikë ose nënkontraktimit).</p>   |                             |
| <p>18. Në veçanti, pa cenuar pikat 6 dhe 7 më lart, nuk ka pasur asnjë konsultim, komunikim, kontratë ose marrëveshje me ndonjë konkurrent në lidhje me :</p> <p>a) çmimet;</p> <p>b) metodat, faktorët ose formulat e përdorura për llogaritjen e çmimit;</p> <p>c) qëllimin ose vendimin për të paraqitur një ofertë ose jo; ose</p> <p>d) paraqitjen e një oferte që nuk plotëson specifikimet e kërkesës së ofertës.</p> | <p><b>Po [ ] Jo [ ]</b></p> |
| <p>19. Për më tepër, nuk ka pasur asnjë konsultim, komunikim, marrëveshje ose kontratë me ndonjë konkurrent në lidhje me cilësinë, sasinë, specifikimet ose dërgesat specifike të mallrave ose shërbimeve në lidhje me prokurimin përkatës, përveç kur thuhet në pikën 7 më lart.</p>  | <p><b>Po [ ] Jo [ ]</b></p> |
| <p>20. Kushtet e ofertës nuk u janë bërë të ditura ose treguar ofertuesve të tjerë në asnjë mënyrë, qoftë para datës dhe orës së hapjes zyrtare të ofertave, shpalljes së ofertës fituese dhe nënshkrimit të kontratës, përveç nëse kërkohet nga ligji ose nëse thuhet specifikisht nën</p>  | <p><b>Po [ ] Jo [ ]</b></p> |

## C: DEKLARATA

### Mbi Konfliktin e Interesit

#### Deklarata

Në cilësinë e operatorit ekonomik, ne deklarojmë se jemi të vetëdijshëm për sa vijon:

Konflikti i interesit është një situatë e konfliktit midis detyrës publike dhe interesit privat të një zyrtari, në të cilën ai / ajo ka interesa private direkte ose indirekte që ndikojnë, ose që mund të ndikojë ose që duket se ndikojnë në kryerjen e padrejtë të detyrave dhe detyrimeve publike.

Në përputhje me nenin 21, paragrafi 1, Ligji Nr. 9367, datë 07.04.2005, kategoritë e zyrtarëve siç parashikohen në Kapitullin III, Seksioni II, që janë absolutisht të ndaluara të përfitojnë drejtpërdrejt ose indirekt nga nënshkrimi i kontratave midis një pale dhe institucionit publik janë:

- Presidenti i Republikës, Kryeministri, Zëvendës Kryeministri, Ministrat, ose Zëvendësministrat, Deputetët, Gjyqtarët e Gjykatës Kushtetuese, Gjyqtarët e Gjykatës së Lartë, Kreu i Kontrollit të Lartë të Shtetit, Prokurori i Përgjithshëm, Gjyqtarët dhe Prokurorët në nivelin e Gjykatës së Shkallës së Parë dhe Gjykatës së Apelit, Avokati i Popullit, Anëtarët e Komisionit Qendror të Zgjedhjeve, Anëtarët e Këshillit të Lartë të Drejtësisë, Inspektori i Përgjithshëm i Inspektoratit të Lartë të Deklarimit dhe Kontrollit të Pasurive dhe Konfliktit të Interesit, Anëtarët e Enteve Rregullatore (Këshilli Mbikëqyrës i Bankës së Shqipërisë, përfshirë Guvernatorin dhe Zëvendësguvernatorin; konkurrenca; telekomunikacioni; energjia elektrike; furnizimi me ujë; sigurimi; bonot; autoritetet e medias), sekretarët e përgjithshëm të institucioneve qendrore si dhe çdo zyrtar publik në çdo institucion publik pozicioni i të cilit është i barabartë me atë të Drejtorit i Përgjithshëm, drejtuesit e organeve të administratës publike që nuk janë pjesë e shërbimit civil.

Për nëpunësit civilë të nivelit të mesëm, sipas nenit 31 dhe zyrtarët sipas nenit 32 të kreut III, seksionit 2 të këtij ligji, ndalimi në paragrafin 1 të këtij neni, për shkak të interesave private të zyrtarit, siç përcaktohet këtu të zbatohet vetëm në rast të lidhjes së kontratave brenda fushës dhe territorit të institucionit dhe juridiksionit të institucionit, ku punon zyrtari. Ky ndalim do të zbatohet edhe kur pala në kontratë është një institucion varësie.

Kur zyrtari është kryetar bashkie ose nënkryetar i një bashkie ose komune, ose kryetar i një këshilli rajonal, anëtar i këshillit përkatës, ose një zyrtar i lartë i menaxhimit të një njësie të qeverisjes vendore, ndalimi për shkak të interesave private të zyrtarit, specifikuar këtu, do të zbatohet vetëm në rastin e lidhjes së kontratave, nëse ka, me

bashkinë, komunën ose rajonin ku zyrtari ushtron një detyrë të tillë. Ky ndalim do të zbatohet gjithashtu kur pala në kontratë është një institucion publik në varësi të kësaj njësie (neni 21, paragrafi 2, Ligji Nr. 9367, datë 07.04.2005.

Ndalimet e parashikuara në nenin 21, paragrafët 1, 2 të Ligjit Nr. 9367, datë 07.04.2005, me përjashtimet përkatëse, do të zbatohen në të njëjtën masë edhe për personat e lidhur me zyrtarin, d.m.th. **bashkëshortin, bashkëjetuesin, fëmijët madhorë e prindërit e zyrtarit dhe të bashkëshortit dhe bashkëjetuesit.**

Unë jam në dijeni të kërkesave dhe ndalimeve të parashikuara në Ligjin Nr. 9367, datë 07.04.2005 "Për Parandalimin e Konfliktit të Interesit në Ushtrimin e Funksioneve Publike", të ndryshuar, dhe aktet nënligjore të miratuara në bazë të tij nga Inspektorati i Lartë i Deklarimi dhe Kontrolli i Pasurive, si dhe Ligji Nr. 162/2020, datë 23.12.2022 "Për Prokurimin Publik".

Në përputhje me to, unë deklaroj këtu se asnjë zyrtar publik, siç përcaktohet në Kapitullin III, Seksioni II të Ligjit Nr. 9367, datë 07.04.2005, dhe në këtë deklaratë, nuk ka ndonjë interes privat, direkt ose indirekt, me personin juridik që unë përfaqësoj këtu.

## D: DEKLARATA

### Për zbatimin e dispozitave ligjore në marrëdhëniet e punës

| Deklarata   | Përgjigje     |
|---|---------------|
| Në cilësinë e operatorit ekonomik, deklaroj nën përgjegjësinë time të vetme se:   |               |
| 4. Operatori ekonomik garanton mbrojtjen e së drejtës për punësim dhe profesion nga çdo formë e diskriminimit parashikuar nga legjislacioni i punës në fuqi.  | Po [ ] Jo [ ] |
| 5. Operatori ekonomik ka kontratat përkatëse të punës me punonjësit e tij dhe garanton masa sigurie dhe shëndetësore për të gjithë dhe, në veçanti, për grupet në nevojë, bazuar në legjislacionin e punës në fuqi. | Po [ ] Jo [ ] |

|  |                      |
|--|----------------------|
| <p>6. Operatori ekonomik nuk ka ndonjë masë efektive ligjore të vendosur nga Inspektorati Shtetëror i Punës dhe Shërbimeve Sociale (ISHPSHSH). Në rastet kur janë identifikuar shkelje ligjore, operatori ekonomik ka marrë masat e nevojshme për adresimin e tyre brenda afateve të përcaktuara nga ISHPSHSH.</p> | <p>Po [ ] Jo [ ]</p> |
|  |                      |

### Pjesa III Kriteret e Përzgjedhjes/Kualifikimit

#### A: DEKLARATË

Në përputhje me specifikimet teknike dhe grafikun e realizimit të objektit të kontratës:

| Deklarata  | Përgjigje            |
|--|----------------------|
| <p>Në cilësinë e operatorit ekonomik, ne deklarojmë se plotësojnë të gjitha specifikimet teknike dhe termat e referencës, siç udhëzohet në dokumentet e tenderit, dhe këtë e provojmë përmes certifikatave dhe dokumenteve të paraqitura me këtë deklaratë (nëse kërkohet nga Autoriteti/Enti Kontraktor), dhe marrim përsipër të realizojmë objektin në përputhje me Listën e shërbimeve dhe grafikun e ekzekutimit të përcaktuar nga Autoriteti/Enti kontraktor.</p> | <p>Po [ ] Jo [ ]</p> |
|  |                      |

#### B: DEKLARATË

Për disponimin e punonjësve dhe makinerive të nevojshme (nëse kërkohen)

| Deklarata  | Përgjigje              |
|--|------------------------|
| <p>Në cilësinë e operatorit ekonomik, deklaroj nën përgjegjësinë time të</p> | <p><u>Punonjës</u></p> |

|   |  |
|---|--|
| <p>vetme se:</p> <p>Unë kam punonjësit e nevojshëm si dhe mjetet dhe makineritë për ekzekutimin e kontratës, siç përcaktohet në dokumentet e tenderit, dhe e vërtetoj këtë me dokumentacionin përkatës, të cilin do ta paraqes në kopje origjinale ose të noterizuar nëse fitoj, ose nëse më kërkohen sqarime nga autoriteti/enti kontraktor.</p> | <p>Po [ ] Jo [ ]</p> <p>Nëse, po, numri i punonjësve:</p> <hr/> <p>Profili i punonjësve</p> <hr/> <p><u>Makineri e mjete</u></p> <p>Po [ ] Jo [ ]</p> <p>Nëse po, të listohen me të dhënat konkrete:</p> <hr/> |
| <p>Data e dorëzimit të deklaratës _____ Vula _____</p> <p>Emri, Mbiemri, Firma _____</p>  |  |

**Ju lutemi sigurohuni që:**

- **Secili pjesëmarrës i renditur në një bashkim operatorësh ekonomikë të paraqesë një Formular të veçantë të Vetëdeklarimit.**
- Në rast se operatori ekonomik ofertues do të mbështetet në kapacitetet e subjekteve të tjera, **një Formular i veçantë i Vetëdeklarimit** duhet të paraqitet edhe nga subjekti mbështetës.

**Në çdo rast, autoriteti/enti kontraktor ka të drejtë të kryejë verifikimet e nevojshme për vërtetësinë të informacionit të deklaruar nga operatori ekonomik për sa më sipër.**

***Shënim: Në çdo rast, përpara se të japë kontratën, autoriteti/enti kontraktor duhet t'i kërkojë ofertuesit fitues që të dorëzojë dokumentet provuese për vetëdeklarimet në formularin përmbledhës të vetëdeklarimit, si dhe dokumentet e paraqitura si pjesë e ofertës në rrugë elektronike. Këto dokumente duhet të paraqiten në origjinal ose në kopje të njësuara me origjinalin.***

III.2.2. Në shtojcën nr. 8/2 “Kriteret e Vecanta të Kualifikimit” në pikën 2.3.5 tek “Kapaciteti Teknik” në dokumentet e tenderit, autoriteti kontraktor ka përcaktuar si më poshtë:

2.3.5 Operatori ekonomik duhet të përcaktojë me anë të një deklaratë (nga Administratori i shoqërisë) Drejtuesin Teknik të shërbimit të pastrimit per **Bashkine Vore**, shoqeruar me dokumentacionin e mëposhtme:

- a) *Diplomë*
- b) *CV përkatëse*
- c) *Kontrate pune midis tij dhe operatorit ekonomik (e vlefshme).*

*Kriteri konsiderohet i permbushur me plotesimin e formularit sipas shtojcës 9 të DT.Dokumenti i kërkuar më sipër do të paraqitet përpara publikimit të njoftimit të fituesit dhe nisjes së afateve ankimit, ose nëse kërkohen sqarime nga autoriteti kontraktor.*

III.2.3. Nga verifikimet e kryera në sistemin e prokurimeve elektronike rezulton, se operatori ekonomik “*Alko Impex General Construction*” Dhh në përmbushje të kriterit sa më sipër nga dorëzuar dokumentacionin si më poshtë vijon: ,

- *Shtojcën 9 “Formulari Përmbledhës i Vetëdeklarimit”, sipas të cilës shoqëria “Alko Impex General Construction” Dhh deklaron znj. E. C, me profesion Inxhinierë Mjedisit, e punësuar pranë shoqërisë sonë, në rolin e inxhinieries së mjedisit , disponon certifikatën “Përgjegjës për sigurinë dhe shëndetin në punë”, si dhe Drejtuese Teknike.*
- *Deklaratë e datës 04.08.2022 me anë të së cilës deklaron se drejtuese teknike për procedurën e prokurimit në Bashkinë Vorë për objektin “Shërbim i Pastrimit dhe Largimit të Mbeturinave për Bashkinë Vorë” do të jetë znj E. C, në rast se shoqëria jonë do të shpallet fituese.*
- *Kontratë Pune Nr. 1501 Rep dhe Nr. 668 Kol, datë 22.03.2022.*
- *Diplomë.*
- *Certifikatë (Kurs Formimi dhe Trajnimi për Kordinatorin e Sigurisë).*
- *Certifikatë (Kurs Formimi dhe Trajnimi për Punime në Lartësi dhe për mbrojtjen e Rënies nga Lartësia).*
- *Certifikatë (Përgjegjës për Sigurinë dhe Mbrojtjen e Shëndetit në Punë Sigurisë).*
- *Certifikatë (Për Vlerësimin e Ndikimit në Mjesdis dhe Auditim Mjedisor).*
- *Librezë Pune.*
- *CV.*

III.2.4. Në nenin 77 te ligjit Nr. 162/2020 “Për Prokurimin Publik”, parashikohet shprehimisht se: 1. *Autoritetet ose entet kontraktore përcaktojnë kërkesat për kualifikim për operatorët ekonomikë bazuar në:*

- a) *përshtatshmërinë për të kryer veprimtarinë profesionale;*
- b) *gjendjen ekonomike dhe financiare;*
- c) *aftësinë teknike dhe profesionale.*

*Kërkesat kufizohen vetëm në ato që janë të përshtatshme për të garantuar që një kandidat ose ofertues të ketë kapacitetet juridike, financiare dhe aftësitë teknike e profesionale për të zbatuar kontratën që do të jepet. Të gjitha kërkesat duhet të kenë lidhje dhe të jenë proporcionale me objektin e kontratës.*

2. *Për sa i përket përshtatshmërisë për të kryer një veprimtari profesionale, autoritetet ose entet kontraktore mund të kërkojnë që operatorët ekonomikë të regjistrohen në një nga regjistrat profesionalë ose tregtarë.*

*Në procedurat e prokurimit për shërbime, ku është e nevojshme që operatorët ekonomikë të kenë një autorizim të veçantë ose të jenë anëtarë të një organizate të veçantë për të kryer shërbimin në fjalë në shtetin e tyre të origjinës, autoriteti ose enti kontraktor mund t'u kërkojë atyre të vërtetojnë se e kanë këtë autorizim ose anëtarësim.*

*3. Në lidhje me situatën ekonomike dhe financiare, autoritetet ose entet kontraktore mund të vendosin kërkesa që garantojnë se operatorët ekonomikë kanë kapacitetin e nevojshëm ekonomik dhe financiar për të zbatuar kontratën.*

*Për këtë qëllim autoritetet ose entet kontraktore mund të kërkojnë në veçanti që operatorët ekonomikë të kenë një xhiro vjetore minimale të caktuar. Gjithashtu, autoritetet ose entet kontraktore mund të kërkojnë që operatorët ekonomikë të japin informacione në bilancet e tyre vjetore që të tregojnë raportet ndërmjet aktivitetit dhe pasivitetit.*

*Xhiron vjetore minimale që kërkohet nga operatorët ekonomikë nuk mund të tejkalojë dyfishin e vlerës së parashikuar të kontratës.*

*Kur një kontratë ndahet në lote, ky nen zbatohet për çdo lot individual. Megjithatë, autoriteti ose enti kontraktor mund të përcaktojë xhiron vjetore minimale që u kërkohet operatorëve, duke iu referuar grupeve të loteve, në rast se ofertuesi i suksesshëm merr disa lote që duhet të zbatohen në të njëjtën kohë.*

*Në rastin e kontratave që bazohen në një marrëveshje kuadër, kërkesa për xhiron minimale llogaritet mbi bazën e përmasave maksimale të kontratave specifike që do të zbatohen në të njëjtën kohë ose, kur përmasat nuk dihen, mbi bazën e vlerës së parashikuar të marrëveshjes kuadër.*

*4. Në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë se operatorët ekonomikë zotërojnë burimet e nevojshme njerëzore e teknike, si dhe përvojën e nevojshme për të zbatuar kontratën sipas një standardi të përshtatshëm cilësie.*

*Autoritetet ose entet kontraktore, në veçanti, mund të kërkojnë që operatorët ekonomikë të kenë një nivel të mjaftueshëm përvoja që vërtetohet nga referenca të përshtatshme nga kontratat e zbatuara në të shkuarën.*

*Aftësia profesionale e operatorëve ekonomikë për të ofruar shërbimin, punën, mallin vlerësohet në lidhje me aftësitë organizative, reputacionin dhe besueshmërinë, përvojën e duhur, si dhe personelin e nevojshëm për të zbatuar kontratën, siç është përshkruar nga autoriteti ose enti kontraktor në njoftimin e objektit të kontratës.*

*5. Autoritetet ose entet kontraktore përcaktojnë në njoftimin e kontratës ose në ftesën për shprehje interesi kriteret e përzgjedhjes, si dhe dokumentet konkrete që duhet të paraqesin operatorët ekonomikë për përmbushjen e këtyre kriterëve.*

*Në nenin 92/3 të LPP-së përcaktohet se: “3. Autoriteti ose enti kontraktor, në zbatim të pikës 4 të këtij neni, vlerëson një ofertë të vlefshme vetëm nëse ajo është në përputhje me të gjitha kërkesat dhe specifikimet e përcaktuara në njoftimin e kontratës dhe në dokumentet e tenderit, pa rënë ndesh me përcaktimet e nenit 38 të këtij ligji...”*

III.2.5. Referuar frymës së legjislacionit për prokurimin publik, vendosja e kriterëve të veçanta për kualifikim ka si synim kryesor që t'i shërbejë autoritetit kontraktor për njohjen e gjendjes dhe kapaciteteve të operatorëve ekonomikë, të cilët, nëpërmjet dokumentacionit të paraqitur duhet të



vërtetojnë se zotërojnë kualifikimet e nevojshme teknike, profesionale, kapacitetet ekonomike, financiare dhe organizative, makineritë, pajisjet e asete të tjera fizike, reputacionin dhe besueshmërinë, përvojën e duhur, si dhe personelin e nevojshëm, gjithçka në funksion të realizimit me sukses të kontratës. Në varësi të kontratës dhe volumit të saj autoriteti kontraktor përcakton kërkesat e veçanta për kualifikim, të cilat janë të detyrueshme për t'u përmbushur nga operatorët ekonomikë pjesëmarrës në procedurat e prokurimit. Operatorët Ekonomikë janë të detyruar të përgatisin ofertat, në përputhje me kërkesat e përcaktuara në dokumentet e tenderit dhe ofertat që nuk përgatiten në përputhje me këto dokumente duhet të refuzohen si të papranueshme. Komisioni verifikon dhe vlerëson ofertat e dorëzuara, duke kualifikuar vetëm ato oferta, që përmbushin kriteret për kualifikim, të përcaktuara në dokumentet e tenderit. Kriteret kualifikuese të përcaktuara nga autoriteti kontraktor janë të detyrueshme për t'u përmbushur nga të gjithë ofertuesit ekonomikë pjesëmarrës në një procedurë prokurimi. Autoriteti kontraktor do të konsiderojë një ofertë të vlefshme, vetëm nëse ajo është në përputhje me të gjitha kërkesat dhe specifikimet e përcaktuara në njoftimin e kontratës dhe në dokumentet e tenderit.

III.2.6. Lidhur me pretendimet e operatorit ekonomik ankimes, rezulton se në dokumentet e tenderit autoriteti kontraktor ka kërkuar *Operatori ekonomik duhet të përcaktojë me anë të një deklaratë (nga Administratori i shoqërisë) Drejtuesin Teknik të shërbimit të pastrimit per Bashkinë Vorë, shoqëruar me dokumentacionin e mëposhtme: a) Diplomë; b) CV përkatëse; c) Kontrate pune midis tij dhe operatorit ekonomik (e vlefshme). Kriteri konsiderohet i përmbushur me plotësimin e formularit sipas shtojcës 9 të DT. Dokumenti i kërkuar më sipër do të paraqitet përpara publikimit të njoftimit të fituesit dhe nisjes së afateve ankimit, ose nëse kërkohen sqarime nga autoriteti kontraktor., sipas shtojcës nr.9.* Nga verifikimi në sistemin e prokurimeve elektronike rezulton, se operatori ekonomik “Alko Impex General Construction” Ddh ka deklaruar në ofertën e tij, nëpërmjet formularit të vetëdeklarimit sipas shtojcës 9, se ka të punësuar znj E. C, me detyrë Drejtuese Teknike me profesion inxhiner mjedisi dhe Deklaratën e datës 04.08.2022 me anë të së cilës deklaron se drejtuese teknike për procedurën e prokurimit në Bashkinë Vorë për objektin “Shërbim i Pastrimit dhe Largimit të Mbeturinave për Bashkinë Vorë” do të jetë znj E. C, në rast se shoqëria jonë do të shpallet fituese.. Përveç vetëdeklarimit në ofertë është paraqitur edhe dokumentacioni që vërteton se punonjësja është e punësuar pranë kësaj shoqërie. Konkretisht: për Znj E. C është paraqitur kontrata e punës, diploma dhe Cv. Për sa më sipër cituar, duke qenë se për autoritetin kontraktor është e rëndësishme të provohet, që operatori ekonomik zotëron personelin e nevojshëm për realizimin e kontratës objekt-shqyrtimi, dokumentacioni i paraqitur nga shoqëria “Alko Impex General Construction” Ddh provon, se ka të punësuar znj E. C si Drejtuese Teknike, gjithashtu ka deklaruar edhe nëpërmjetë deklaratës së datë 04.08.2022 se znj. E. C do të jetë drejtuese teknike në rastë se shoqëria jonë do të shpallet fituese në përputhje me kërkesat e autoritetit kontraktor si më sipër cituar.

III.5.7. Referuar sa më sipër KPP vëren se autoriteti kontraktor ka kërkuar që operatori ekonomik të deklarojë nëpërmjetë një deklaratë drejtuesin teknik për objektin e prokurimit gjë të cilën operatori ekonomik e ka përmbushur edhe nëpërmjetë deklarimit në formularin përmbledhës të deklarimit edhe nëpërmjetë deklaratës të datës 04.08.2022. Autoriteti kontraktor në dokumentat standarte të tenderit nuk ka kërkuar që operatori ekonomik të deklarojë se drejtuesi teknik nuk duhet të jetë i deklaruar edhe në objekte të tjera. Nga shqyrtimi i dokumentacionit të dorëzuar

nga ankimuesi për përmbushjen e kriterit lidhur me deklarimin e Drejtuesit Teknikë për shërbimin e pastrimit të Bashkisë Vorë KPP vëren se operatori ekonomik ankimues ka dorëzuar në sistemin e prokurimeve elektronike deklartën e datës 04.08.2022. KPP gjykon se operatori ekonomik ankimues ka paraqitur dokumentacionin lidhur me Drejtuesin Teknik të kërkuar në përputhje me kërkesat në kriterin e vecantë të kualifikimit ky kriter nuk ka parashikuar që drejtuesi teknik i operatorit ekonomik nuk duhet të jetë i deklaruar edhe në objekte të tjera. Kështu autoriteti kontraktor ka theksuar se për përmbushjen e kriterit operatori ekonomik duhet të paraqesë deklaratë ku të deklarojë drejtuesin teknik për shërbimin e pastrimit të Bashkisë Vorë. Gjithashtu ka përcaktuar se *Kriteri konsiderohet i përmbushur me plotësimin e formularit sipas shtojcës 9 të DT.Dokumenti i kërkuar më sipër do të paraqitet përpara publikimit të njoftimit të fituesit dhe nisjes së afateve ankimit, ose nëse kërkohen sqarime nga autoriteti kontraktor.* Nga shqyrtimi në tërësi i dokumentacionit dhe informacionit të dorëzuar nga autoriteti kontraktor nuk rezulton që autoriteti kontraktor të ketë kërkuar dokumentacionin e punonjësit nga ana e operatorit ekonomik ankimues. Në këtë kuptim KPP gjykon se autoriteti kontraktor ka skualifikuar operatorin ekonomik "Alko Impex General Construcion" Dhh me argumenta të pabazuara dhe në tejkalim të kriterit të vecantë të kualifikimit. Në këtë kuptim KPP gjykon se operatori ekonomik ankimues ka paraqitur dokumentacionin lidhur me drejtuesin teknik në përputhje me kriterin e kualifikimit.

Gjithashtu, sipas shtojcës 9 Formulari Përmbledhës i Vetëdeklarimit, Pjesa II, Pika A-Deklarata për përmbushjen e kriterëve të përgjithshme të kualifikimit, është përcaktuar që referencat për këto lloj deklaratash do të bëhen në rastet kur janë të zbatueshme: "Nëse dokumentacioni përkatës është i disponueshëm në formë elektronike, ju lutemi tregoni". Pra, Komisioni gjykon, se ka dy mënyra se si autoriteti kontraktor mund të marrë këto dokumente, e para në bazë të të dhënave të aksesueshme shtetërore nëse është i disponueshëm dhe e dyta duke **Përpara publikimit të njoftimit të fituesit dhe nisjes së afateve të ankimit autoriteti/enti kontraktor i kërkon ofertuesit të kualifikuar, i pari dorëzimin e dokumenteve provuese të parashikuara në shkronjat "a", "b", "d", "dh", "e", "h", "i", "j" të pikës 2 të nenit 26 të VKM-së, si dhe dokumentet e tjera shoqëruese të ofertës, të dorëzuara në rrugë elektronike.** Komisioni gjykon, se autoriteti kontraktor në fazën e vlerësimit procedural në të cilën ndodhet aktualisht procedura e prokurimit objekt-ankimi, për përmbushjen e kriterëve të përgjithshme të kualifikimit, duhet t'i referohet Formularit Përmbledhës të Vetëdeklarimit, sipas rubrikave të aksesueshme elektronikisht nga autoriteti kontraktor dhe kërkesën për **dorëzimin e dokumenteve provuese të parashikuara në shkronjat "a", "b", "d", "dh", "e", "h", "i", "j" të pikës 2 të nenit 26 të VKM-së, si dhe dokumentet e tjera shoqëruese të ofertës, të dorëzuara në rrugë elektronike.** Akoma më tej Komisioni i Prokurimit Publik, gjykon, se është me vend të theksojë rolin e posaçëm që ka autoriteti kontraktor, për vetëcilësimin e tij ligjor, si autoriteti me interes dhe përgjegjësi thelbësore për realizimin e suksesshëm të kontratës. KPP sjell në vëmendje, se referuar rregullave të prokurimit publik, është pikërisht autoriteti/enti kontraktor ai që duhet t'i kërkojë **ofertuesit të kualifikuar, i pari përpara publikimit të njoftimit të fituesit dhe nisjes së afateve të ankimit dorëzimin e dokumenteve provuese të parashikuara në shkronjat "a", "b", "d", "dh", "e", "h", "i", "j" të pikës 2 të nenit 26 të VKM-së 285.** Këto dokumente duhet të paraqiten në origjinal ose në kopje të njësuara me origjinalin, për t'u siguruar nëse cilësia e shërbimit, punës apo mallit është e njëjtë me cilësinë e premtuar në momentin apo fazën e ofertimit. Në përfundim të analizës së fakteve përkatëse, Komisioni arrin në konkluzionin se

dokumentacioni i paraqitur nga operatori ekonomik ankimues në procedurën e prokurimit, plotëson kërkesat e autoritetit kontraktor dhe konsiderohet i vlefshëm. KPP gjykon, se arsyeja e skualifikimit për operatorin ekonomik në rastin konkret, nuk është në përputhje me kriterin e kualifikimit të vendosur nga autoriteti kontraktor për plotësimin e këtij kapaciteti, *por në tejkallim të tij*. Në këto kushte, Komisioni gjykon, se skualifikimi i operatorit ekonomik ankimues nga ana e autoritetit kontraktor nuk është i drejtë.

Në mënyrë eksplicite ligji për prokurimin publik parashikon se vlerësimi i ofertave duhet bërë vetëm në përputhje me kriteret e kualifikimit të parashikuara në dokumentet e procedurës përkatëse. Vlerësimi i ofertave referuar kriterëve të tjera të kualifikimit të cilat në asnjë rast nuk janë parashikuar në dokumentet e procedurës së prokurimit cenon parimet kryesore të zhvillimit të procedurës së prokurimit, parashikuar nga neni 3 i *lex specialis*, atë të barazisë në trajtimin e kërkesave dhe detyrimeve që i ngarkohen ofertuesve.

Komisioni i Prokurimit Publik, gjykon se, është me vend të theksojë rolin e posaçëm që ka autoriteti kontraktor, për vetëcilësimin e tij ligjor, si autoriteti me interes dhe përgjegjësi thelbësore për realizimin e suksesshëm të kontratës. KPP sjell në vëmendje, se referuar rregullave të prokurimit publik, është pikërisht autoriteti kontraktor ai që duhet të monitorojë zbatimin e kontratës, për t’u siguruar nëse cilësia e mallrave është e njëjtë me cilësinë e premtuar në ofertë dhe të përcaktuar në kontratë. Në përfundim të analizës së fakteve përkatëse, Komisioni arrin në konkluzionin, se dokumentacioni i paraqitur nga operatori ekonomik ankimues në procedurën e prokurimit, plotëson kërkesat e autoritetit kontraktor dhe konsiderohet i vlefshëm.

Për sa më lart, pretendimi i operatorit ekonomik ankimues “*Alko Impex General Construcion*” Dhh qëndron.

III.3. Lidhur me arsyet e skualifikimit të operatorit ekonomik ankimues “*Alko Impex General Construcion*” Dhh se: “*Në bazë të vetë deklaratimit të Operatorit Ekonomik, KVO ka bërë verifikimet në adresën e Deklaruar dhe mjetet e deklaruara nuk ndodheshin në atë Adresë. Nëpërmjet deklaratës së datës 04.08.2022 të paraqitur ky Operator ka deklaruar se mjetet e paraqitura ndodheshin në adresën, Rr. Reshit Petrela, Kompleksi Usluga. Për verifikimin e mësipërm është mbajtur edhe Proces Verbali përkatës nga ana e KVO.*”, Komisioni i Prokurimit Publik vëren se:

III.3.1. Në shtojcën 8/2 “*Kriteret e veçanta të kualifikimit*”, pika 2.3.10 “*Kapaciteti teknik*”, të dokumenteve të tenderit, rezulton se është kërkuar si vijon:

2.3.10. *Operatori ekonomik pjesëmarrës, për realizimin e kontratës, duhet të paraqesë një deklaratë me shkrim mbi disponueshmërinë e mjeteve, ku të përcaktohet tipi(emertimi teknik), lloji, marka, nr. i shasise, viti i prodhimit dhe sasitë përkatëse për mjetet si me mëposhte:*

g) *Makinë teknologjike transportuese, me ngarkim fundor ose anësor, me kapacitet mbajtës jo më pak se 10 ton, jo më pak se 3 (tre) copë.*

h) *Makinë teknologjike transportuese, me ngarkim fundor ose anësor, me kapacitet mbajtës 3 deri 4 ton jo më pak se 1 (nje) copë;*

- i) *Makinë teknologjike transportuese, me ngarkim fundor ose anësor, me kapacitet mbajtës 0.5 deri 1.5 ton jo më pak se 1 (nje) copë;*
- j) *Makine transportuese kamioncine per transportin e mbetjeve te vellimshme me kapacitet mbajtes 2 der 4 ton veteshkarkuese jo me pak se 1 (një) copë;*
- k) *Makine teknologjike me paisje te vecante per larjen e konteniereve 1 (nje) copë;*
- l) *Makina për larjen e rrugëve, (autobot) të pajisura me pompë për larjen e rrugëve me presion, me dy ose më shumë pjata larëse në pjesën e përparme, me kapacitet mbajtes 7 deri ne 8 ton, jo më pak se 1 (një) copë;*

*Për Mjetet teknologjike të kërkuara në pikën 2.3.10, gërma a – f, operatori ekonomik duhet të paraqesë dokumentacionin si më poshtë:*

- *Për mjetet e deklaruar në pronësi qe shënohen në regjistra publike duhet të paraqitet dokumenti që verteton regjistrimin e mjetit (akti i pronësisë), leje qarkullimi, çertifikate e kontrollit teknik, siguracion mjeti.*
- *Per mjetet e deklaruar me qera qe shënohen në regjistra publike duhet të shoqërohen me kontratën përkatëse noteriale te qirasë, dokumentin që verteton regjistrimin e mjetit (akti i pronësisë), leje qarkullimi, çertifikate e kontrollit teknik, siguracion mjeti.*
- *Kontrata e qerasë duhet të jetë e vlefshme për të gjithë periudhën e realizimit të kontratës, objekt i këtij prokurimi*
- *Për mjetet që nuk shënohen në regjistra publikë, të cilat deklarohen në pronësi, operatori ekonomik, duhet të paraqese kontraten e shitblerjes/fatura tatimore e shitjes si dhe dokumenti me të dhënat teknike të pajisjes ndërsa kur janë të marra me qera duhet të paraqitet kontrata e qerasë, fatura tatimore e shitjes/ kontrata e shitblerjes si dhe dokumenti me të dhënat teknike të pajisjes.*
- *Operatori ekonomik duhet të paraqesë foto për secilin mjet të deklaruar në pronësi ose me qira ku të jetë e dukshme dhe targa e mjetit.*
- *Për mjetet në pronësi/qera, Operatori ekonomik duhet të paraqesë një deklaratë ku Autoriteti Kontraktor ka te drejten me ose pa paralajmerim paraprak, perpara shpalljes se fituesit, të kryejë verifikimin fizik të mjeteve sipas Specifikimeve Teknike të deklaruar në procedurën e prokurimit, si dhe te deklarojë adresen e sakte te vendndodhjes se mjeteve në Shqipëri, me qellim verifikimin e tyre. Në rast se mjetet e deklaruar nga Operatorit ekonomik nuk rezultojne te njejta me ato qe do te kontrolloje AK, Operatori Ekonomik do të s’kualifikohet.*

III.3.2. Nga verifikimet në sistemin e prokurimeve elektronike rezulton, se operatori ekonomik “Alko Impex General Construction” Dhh, në përmbushje të kriterit sa më sipër, ka dorëzuar:

- Formularin përmbledhës të vetëdeklarimit (shtojca 9) nga operatori ekonomik “Alko Impex General Construction” Dhh, ku në Deklaratën B për disponimin e punonjësve dhe makinerive të nevojshme është plotësuar si vijon: “Makineri e mjete PO.

1. *Makine transportuese me kapacitet mbajtes jo me pak se 10 ton – 3 cope; AA XXX YT; AA XXX YT; AB XXX GX, Kontratë Qeraje Nr. Rep XXXX, Nr. Kol XXXX.*
2. *Makine teknologjike transportuese me kapacitet mbajtes 3 deri ne 4 ton- 1 copë; AB XXX HH në pronësi.*
3. *Makine teknologjike transportuese me kapacitet mbajtes 0.5 deri ne 1.5 ton -1 copë; AA XXX GC; AA XXX XI; Kontratë Qeraje Nr. Rep XXXX, Nr. Kol XXXX.*
4. *Makine tranposrtuese kamioncine me papacitet mbajtes 2 deri ne 4 ton -1 cope; AB XXX EH në pronësi.*
5. *Makine teknologjike per larjen e kontenierva-1 cope; AB XXX DZ; Kontratë Qeraje Nr. Rep XXXX, Nr. Kol XXXX.*
6. *Makine per larjen e rrugve (autobot) me kapacitet 7-8 ton- 1 cope; AB XXX HH. Kontratë Qeraje Nr. Rep XXXX, Nr. Kol XXXX.*

- *Dokumentacionin për mjetet e sipërcituara sipas përcaktimeve në kriterin 2.3.10.*

III.3.3. Neni 77 “Kërkesat për kualifikim”, të ligjit nr.162/2020 “Për Prokurimin Publik”, parashikohet shprehimisht se: *Autoritetet ose entet kontraktore përcaktojnë kërkesat për kualifikim për operatorët ekonomikë bazuar në:*

- a) *përshtatshmërinë për të kryer veprimtarinë profesionale;*
- b) *gjendjen ekonomike dhe financiare;*
- c) *aftësinë teknike dhe profesionale.*

*Kërkesat kufizohen vetëm në ato që janë të përshtatshme për të garantuar që një kandidat ose ofertues të ketë kapacitetet juridike, financiare dhe aftësitë teknike e profesionale për të zbatuar kontratën që do të jepet. Të gjitha kërkesat duhet të kenë lidhje dhe të jenë proporcionale me objektin e kontratës.*

2. *Për sa i përket përshtatshmërisë për të kryer një veprimtari profesionale, autoritetet ose entet kontraktore mund të kërkojnë që operatorët ekonomikë të regjistrohen në një nga regjistrat profesionalë ose tregtarë.*

III.3.4. Neni 40 pika 3 “Kërkesa të veçanta për kontratat e mallrave”, të VKM Nr.285 datë 19.05.2021 “Për miratimin e rregullave të prokurimit publik”, parashikohet shprehimisht se:

3. *Kërkesat e veçanta të kualifikimit duhet të përfshijnë të gjitha kriteret specifike, në përputhje me nenin 77, të LPP-së. Kriteret duhet të jenë në përpjesëtim dhe të lidhura ngushtë me aftësinë zbatuese, natyrën dhe vlerën e kontratës. Në çdo rast, autoriteti/enti kontraktor duhet të përcaktojë dokumentet konkrete që duhet të paraqesin operatorët ekonomikë për përmbushjen e këtyre kriterëve.*

III.3.5. Referuar informacionit dhe dokumentacionit të depozituar në Komisionin e Prokurimit Publik nga autoriteti kontraktor Bashkia Vorë, rezulton se në datën 16.08.2022 Komisioni i Vlerësimit të Ofertave ka mbajtur një procesverbal, i cili bën fjalë mbi verifikimin në terren të mjeteve të deklaruara nga operatori “Alko Impex General Construction” Dhh, në rrugën “reshit Petrela”, Kompleksi Usluga Tiranë. Nga verifikimi i procesverbalit rezulton i nënshkruar dhe firmosur vetëm nga anëtarët e komisionit të verifikimit të autoritetit kontraktor Bashkia Vorë.

Pavarësisht procesverbalit të mbajtur nga ana e komisionit të verifikimit në terren protokolluar në KPP me shkresën nr. 1822/7 protokoli, datë 17.10.2022, autoriteti kontraktor nuk ka vërtetuar në asnjë moment që ka lajmëruar operatorin ekonomik me një nga mënyrat e komunikimit të parashikuara nga Kodi i Procedurave Administrative duke e bërë këtë procesverbal të njëanshëm. Për më tepër autoriteti kontraktor nuk ka vënë në dispozicion të Komisionit të Prokurimit Publik asnjë dokument justifikues për momentin e lajmërimit apo vënies në dijeni të operatorit ekonomik ankimues në lidhje me datën dhe orën e vizitës në kantier në lidhje me verifikimin e mjeteve, siç parashikohet në nenin 82 pika 1 të ligjit 44/2015 “Kodi i Procedurave Administrative i RSH”, i ndryshuar, se: *“Në procedurat administrative, të filluara me kërkesë të palës që inicion procedurën, barra e provës për faktet e pretenduara bie mbi këtë palë, pavarësisht nga detyrimi i organit publik për të vënë në dispozicion të palëve provat e zotëruara prej saj”*. Pra KPP, nuk ka mundësi të vërtetojë faktin nëse ky komisionin ka qënë në kantier ashtu sikurse pretendon, pasi në procesverbalin e mbajtur për këtë qëllim konstatohet, se mungon nënshkrimi nga përfaqësues të operatorit ekonomik ankimues, pra në këtë kuptim ky procesverbal është i njëanshëm. Njëkohësisht, në dokumentet e tenderit është parashikuar, që autoriteti kontraktor ka të drejtë të kryejë verifikimet e nevojshme në kantier në lidhje me mjetet e deklaruara në formularin përmbledhës të vetëdeklarimit për vërtetësinë të informacionit të deklaruar nga operatori ekonomik (për sa më sipër), ndaj dhe për këtë arsye KVO-ja ka ushtruar të drejtën e saj për verifikim pranë shoqërisë “Alko Impex General Construction” Dhh. E drejta e Komisionit të Vlerësimit të Ofertave është e mbështetur në nenin 82 pika 1 të Vendimit nr.285 datë 19.05.2021 të Këshillit të Ministrave “Për miratimin e rregullave të prokurimit publik”, të ndryshuar, ku parashikohet se : *“Në rast se komisionit të vlerësimit të ofertave i lind nevoja për verifikime ose ndryshime të një apo më shumë anëtarëve, afati i vlerësimit pezullohet në momentin e paraqitjes së kërkesës për verifikim apo ndryshim dhe rifillon aty ku është pezulluar, me marrjen e përgjigjes apo zyrtarizimit të anëtarit/anëtarëve.”* Referuar dokumentacionit të administruar, nuk rezulton që nga Komisioni i Vlerësimit të Ofertave të jetë marrë vendim për kryerjen e verifikimeve, datën e kryerjes ose pezullimin e procesit të shqyrtimit. Duke vlerësuar se në rregullat e prokurimit publik nuk parashikohet një procedurë e detajuar e kryerjes së verifikimeve nga ana e Komisionit të Vlerësimit të Ofertave, vlerësoj se duhet t’i referohemi parashikimeve të Kodit të Procedurave të Administrative.

E drejta e autoritetit kontraktor, me qëllim për përcaktimin e gjendjes, fakteve dhe rrethanave për zgjidhjen e themelit të çështjes, rregullohet edhe nga Kodi i Procedurave Administrative. Është e drejtë e autoritetit kontraktor të kërkojë marrjen e provave në kuptim të nenit 80 pika 1 gërma “c” të ligjit nr.44/2015 “Kodi i Procedurave Administrative”, ( këtu e në vijim K.Pr.A) të kryejë verifikime, për t’u garantuar për përmbushjen e specifikimeve teknike sipas deklaratave të bëra nga vetë ofertuesi.

Në nenin 84 të Kodit të Procedurave Administrative, parashikohet se: *“Në rastet kur palët janë të detyruara të paraqesin informacion ose prova, pala duhet të njoftohet me shkrim apo në mënyrë verbale, sipas afateve dhe parashikimeve të këtij Kodi.”* Referuar dokumentacionit të administruar pjesë e fashikullit të shqyrtimit administrative, nuk verifikohet se nga ana e autoritetit kontraktor janë mbajtur në konsideratë parashikimet e K.PrA për njoftimin e palëve, në përputhje me një nga mënyrat e parashikuara në këtë Kod. Referuar veprimeve procedurale

paraprake të kryera nga autoriteti kontraktor, nuk provohet se operatori ekonomik ankimues ka marrë njoftim në përputhje me sa më sipër sqaruar mbi kryerjen e verifikimeve nga ana e autoritetit kontraktor. Gjithashtu, rezultoni e provuar, se në procesverbalin e mbajtur për këtë qëllim, mungon nënshkrimi nga përfaqësues të operatorit ekonomik ankimues. Vlerësoj, se me dokumentacionin e dorëzuar, nuk arrihet të provohet se përfaqësues të operatorit ekonomik kanë qenë prezent në momentin e kryerjes së verifikimit, duke e kthyer këtë procedurë në të njëanshme.

Sa më sipër, duke qenë se procedura e ndjekur nga autoriteti kontraktor nuk është e plotë, nuk ka përmbushur garancitë procedurale për palët, të parashikuar nga Kodi i Procedurave Administrative, si edhe nuk provohet se pala ka qenë prezente në momentin e kryerjes së verifikimit, nuk mund të vlerësohet, se në momentin e dorëzimit të ofertave dhe në momentin e kryerjes së verifikimit nga ana e autoritetit kontraktor ankimuesi, nuk përmbushet kriteri i kërkuar nga ana e autoritetit kontraktor.

Referuar dokumentacionit të administruar rezultoni, se autoriteti kontraktor si provë, krahas dokumentacionit procesverbal, ka dorëzuar edhe një foto (komunikim të pretenduar nëpërmjet platformave të medjave sociale) me operatorit ekonomik “*Alko Impex General Construction*” Dhh.

- Së pari, referuar formës së provës të dorëzuar më sipër cituar nuk përmbushen elementet formale të parashikuara nga neni 49 pika 2 dhe 7 të K.Pr.A.

Për këtë parregullsi të konstatuar mban përgjegjësi Komisioni i Vlerësimit të Ofertave, i cili nuk ka qenë transparent në verifikimin e kryer, në kundërshtim me nenin 3 të ligjit nr.162/2020 “Për prokurimin publik” sipas të cilit: “1. Autoritetet dhe entet kontraktore garantojnë trajtim të barabartë dhe jodiskriminues për operatorët ekonomikë, si dhe veprojnë me transparencë e në mënyrë proporcionale. 2. Autoritetet dhe entet kontraktore nuk duhet të shmangin fushën e zbatimit të këtij ligji ose të ngushtojnë në mënyrë artificiale konkurrencën. Konkurrenca konsiderohet se është ngushtuar artificialisht kur prokurimi përgatitet me qëllimin për të favorizuar ose dëmtuar në mënyrë të padrejtë operatorë ekonomikë të caktuar”.

Për sa më lart, pretendimi i operatorit ekonomik ankimues “*Alko Impex General Construcion*” dhh qëndron.

Për sa më sipër, në mbështetje të neneve 30, dhe 118 të ligjit nr. 162/2020 “Për Prokurimin Publik”, Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik”, i ndryshuar, Vendimit të Këshillit të Ministrave nr. 261, datë 17.03.2010 “Për përcaktimin e tarifës dhe të rregullave për pagimin e saj, në një procedurë ankimimi, pranë Komisionit të Prokurimit Publik”, Vendimit të Komisionit të Prokurimit Publik Nr. 766/2021, datë 13.10.2021 “Për miratimin e rregullave “Për Organizimin dhe Funkcionimin e Komisionit të Prokurimit Publik”, nenit 4 të Vendimit të Komisionit të Prokurimit Publik nr. 500/2020 datë 5.11.2020 “Rregullore për Marrjen e Masave Organizative për Ushtrimin e

*Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19”, Komisioni i Prokurimit Publik, njëzëri,*

**Vendos:**

1. Të pranojë ankesën e paraqitur nga bashkimi operatorëve ekonomikë “*Alko Impex General Construction*” dshh për procedurën e prokurimit “*Procedurë e hapur, mbi kufirin e lartë monetar*”, me Nr. REF-35239-07-04-2022, me objekt: “*Shërbimi i Pastrimit dhe largimit të mbeturinave për Bashkinë Vorë*”, me fond limit 273.460.221 (dyqind e shtatëdhjetë e tre milion e katërqindë gjashtëdhjetë mijë e dyqind e njëzet e një) lekë pa Tvsh ose 2.292.206 euro (dy milion e dyqind e nëntëdhjetë e dy mijë e dy qind e gjashtë) euro sipas kursit të këmbimit shpallur në Website e Bankës së Shqipërisë 119.3, zhvilluar me datë 04.08.2022 nga autoriteti kontraktor, Bashkia Vorë.
  2. Të pranojë ankesën e paraqitur nga operatori ekonomik “*Rej*” SHPK për procedurën e prokurimit më sipërcituar.
  3. Autoriteti kontraktor të anulojë vendimin e KVO-së mbi skualifikimin e operatorit ekonomik “*Alko Impex General Construction*” dshh si dhe të korrigjojë shkeljet duke e kualifikuar këtë operator ekonomik.
  4. Autoriteti kontraktor të anulojë vendimin e KVO-së mbi skualifikimin e operatorit ekonomik “*Rej*” SHPK si dhe të korrigjojë shkeljet duke e kualifikuar këtë operator ekonomik.
  5. Autoriteti kontraktor brenda 5 ditëve të vërë në dijeni Komisionin e Prokurimit Publik për zbatimin e vendimit, duke dokumentuar veprimet e kryera.
  6. Ngarkohet zyra e financës që të bëjë kthimin e tarifës financiare të paguar nga operatori ekonomik “*Alko Impex General Construction*” dshh dhe operatorit ekonomik “*Rej*” SHPK.
  7. Kundër këtij vendimi mund të bëhet ankim në Gjykatën Administrative të Apelit.
  8. Kopje e këtij vendimi i dërgohet për njoftim Agjencisë së Prokurimit Publik.
- Ky vendim hyn në fuqi menjëherë.

**KOMISIONI I PROKURIMIT PUBLIK**

**Nënkryetar**  
**Fiorent Zguro**

**Anëtar**  
**Kreshnik Ternova**

**Anëtar**  
**Anila Malaj**

**Kryetar**  
**Jonaïd Myzyri**

